


KUAÑULIWA ³

 . . . Neville. Ki kakusasana, sitopa. Lu tabile hahulu fa kukuta hape ku to mi lumelisa hape ka Libizo lelituna hahulu lani la Mulena Jesu. Lusepa kuli mubile ni biki yende ya milumbeko ya Hae ni limbuyoti.

² Ha ni kena mwahali kakusasana cwana, Na katana mushimani yomunyinyani fani mi anifa sisupo sa Lingeloi la silelezo lelisweli kutokomela banana babanyinyani bababeli. Mi Ne ni sa zibi kuli yani ki wa Daulton, mushimani yomunyinyani wa Daulton.

³ Mi kwanu libiki nyana za kwa mulaho, kamba zelikani nyana. . . Mwendu libiki zepeli kwa mulaho, nekuna ni ndate, ndate wa Mukreste, yana kupela mwana hae yomunyinyani wa musizana yana si Mukreste ka nako yani, inza yemi mwa mukoloko wa litapelo. Mi Moya o Kenile wali, “Ni—Ni kufa mwana hao.” Mi ki yo mo kakusasana cwana, upilisizwe mi u kolobelizwe ka Libizo la Mulena Jesu, uinezi kwa pata, kuya fela ka mo no bulelezi Moya o Kenile. Mi bana babañwi kaufela bainzi bateni. Ni ziba kuli lubasi lwa ba ha Daulton lutabile.

⁴ Mwabona kalibe nyana fani yana lapelezi mbututu la Sunda yefelile, ya na akalezwa kuli uka shwa. Ni bona kuli usali ni luna kakusasana cwana, mi luitumezi hahulu ka seo, kezeli. Neba hupula kuli nana ni butata bwa mata a mubili kusinyeha, mi ha sana zona. Kacwalo lwa itumela hahulu.

⁵ Ka kubona balikani baluna babande kaufela. Ni hupula muuna yo fa yana tile kuna mwa lipuzo za kwa mukunda zeipitezi kwa—kwa Chautauqua nako yeñwi, Ni sepa kuli neli kona. Ne ni bile ni mukushuko ni mina ni musala hao ni bana, Na lumela ki. . . kamba wena ni musala hao, kamba bana, eeni, nibona. [Muzwale uli, “Middletown.”—Mu.] Middletown, kwani kwa. . . Kono luna kaufela. . . Ni libezi libizo lani, kacwalo Ni li bizize fela kuli Chautauqua. Eeni, sha. Buñata bwa balikani baka babande.

⁶ Muzwale Charlie Cox ni Kezeli Nellie mwahali mo, bababile lapa la bubeli kuna, mi hakuna cwani kamba cwani mwakona kuba banake luli. Na yanga kulo kwani, kona ko Ni banga buñata bwa nako yaka inge ni pumula, ona kubona kwani. Ki muzumi ya sikwala hahulu wa tumale mwa Kentucky ha Nili mwa Indiana. Mi kacwalo Indiana. . . Mi Charlie, Na ku bulelela Ni nyolezwi hahulu, ni ikutwa hahulu mane inge Ni ka swala totuñwi twa tona Ni sika funduka kale kuliba kwani. Ni ikutwa fela inge Na kona kuba ni tona mwa buñata.

⁷ Muzwale Parnell. . . Par. . . Arnett, yazwa kwa Lou. . . South Carolina. Ni Muzwale. . . Kihande, ki babañata hahulu

baba shutana mwahali mo kuzwa kwa libaka zeshutana, babatile kakusasana cwana ku to lu potela.

⁸ Mwa ziba, haluna batu babali ma membala ba sibaka se kwanu. Luna ni fela kutwano ku mañi ni mañi, mi Mali a Jesu Kreste, Mwana Mulimu, hanza lukenisa kwa ku sa luka kaufela.

⁹ Cwale, luna ni palo yende hahulu, haki kanya ni yeo. Mi luna fa, mbweshwa Ni . . . ziba kuli Na ikola zona, mi Ni ziba kuli kaufela mina mwa ikola cwalo. Ni kalisanga fokuñwi mwahala musihali, kubulela ka zona kamba kubala ka zona, Ni nga mwendi litimana zepeli mi kipeto Ni kala kuya ka Mañolo mi, nto yapili mwa ziba, Ni se nibile kukalela mwa Genese kuya kwa Sinulo, mi ni sa ya.

¹⁰ Mi, mwa ziba, Ni tabela kuba ni nako haluka ba—haluka ba ni kukena mwa Buka ya—ya Maheberu, ni kunga fela inge . . . Kihande, nako ya tumale haika kalisa, inge Muimune . . . bukaufi ni Yend- . . . Muyana, mwa ziba, ni kuzwelapili kufitela nako ya kuya mwabuse bwa mawate, busihu ni busihu mwa Buka ya Maheberu, kamba Buka ya Exoda. Ka mo Mulimu, Exoda, mwa na tiselize sicaba sa Hae kuzwa mwa Egepita, ka mututo! Ki mufuta omunde luli wa luna cwale ha luitukiseza mututo wa luna. Ki, oh, ki nto yende luli. Mañolo kaufela aswalani hamoho, mi ki Likande lililiñwi fela lelituna.

¹¹ Cwale, kakusasana wo lusali—lusali mwa Buka ya . . . Neluka nga likauhanyo zetalu za makalelo a—a Buka ya Maefese. Liñolo la Paulusi kwa Maefese kwa Efese, inza lika, kaswanelo kutomahanya keleke. Mi lu si ka atumela fela fateni, halubeni fela ni muzuzu kamba yemibeli ya tapelo, lusika eza kale cwalo.

¹² O Mulena, Mulimu waluna, lutaha fapila Kubateni kwa Hao cwale, luli baba sa swaneli ka mo luinezi, ibo luziba kuli kuna ni Sitabelo sa Mali se si libelezi, kulukenisa kwa kusa luka kaufela, ni ku lutisa fapila Ndate, ba basina nyazo, babasina mulatu. Haki kuli kuna ni se luezize fa kufumana lika ze. Kono kakuli Jesu ulu ezelize zona, lu kubama ka buikokobezo kwa Kubateni kwa Hae ni Libizo la Hae, lunze lu kupa kuli U lume Moya o Kenile kakusasana cwana mwahala luna. Mi kuhanya kuba muituti wa za bulapeli kamba kuziba mwa kutomahanyeza hande Mañolo ka swanelo, kono ki kutabela fela ni kuitumela kwa maikuto a Moya o Kenile ha U nzo zamaya mwa butu bwaka, ha U fuyole luna kaufela hamoho halunze lubala Linzwi la Hao le li ñozwi, kuli Libe ku luna Bupilo Bobusafeli. Lumeleza cwalo, Ndate. Lwa li kupa ka Libizo la Jesu ni kabakala Jesu. Amen.

¹³ Cwale Ni bulele cwana fa, pili, kuli haiba ka nako ifi kaufela ye Ni kona kubulela sika se sisi sa tumelelano, se si si ka beiwa hande, mwendi se si lyangani kwa tuto ya mina, kamba sika se musike kulumelelana ni sona, Ni sepa Moya o Kenile, kuli U ka si eza kuba sesi lungilwe hande mi se si munani kufitela kutokwa . . . kuba nihaiba nyazo nihanyinyani. Mwabona? Kuli

sibe—sibe ka lilato ni kutwano, kuli yani kona . . . Mo si taluseza ona cwalo.

¹⁴ Mi se sizamaelela hape ni kutazo ya Sunda yefelile, Ni lumela kuli ki kona, la Sunda yefelile kakusasana, sina *Mulena Ya Hanilwe*. Kana kuna ni yana ni tepu yateni kale? Ni sepa bana ni ona, mi mwakona kuba ni ona haiba muitakaleza cwalo, *Mulena Ya Hanilwe*.

¹⁵ Cwale ki mazazi alikani fela luka kalisa kwani . . . kwa Middletown, Ohio. Lu bata kaufela babana ni—ni lipumulo za bona ze libelezi nako yani kuli ba yo kopana ni luna kwani, kakuli lu kulubela nako yende ya sebelezo kwa Middletown, Ohio. Dokota Sullivan ki yena muina sipula, Na sepa, wa katengo. Mi kukaba masihu a ketalizoho a ona, Ni ka kutaza ka kuba—kuba mukutazi wa muenyi kwa Mukopano wa Linaha kaufela kwa keleke ya Likopano zekopani hamoho. Mi cwale—cwale kasamulaho wa fani, lukaba ni mukopano wa luna fela kuzwa fani kuya kwapili. Luna ni otomilwe cwalo ku yo punya ka la twelufu, kono mwatasa kutwisiso ya kuli lwakona ku yo punya cwalo mane ni mwa biki yeka tatama kasamulaho wa yani, kuitingile fela ka mo Moya o Kenile uka etelela. Kaufela luna lubata ku etelelwa ka Moya; ona seo Moya ubulela kuli mueze, kipeto musieze kapili.

¹⁶ Mi ha lu hupuleni halunze lu utwela Moya, tuto iliñwi yetuna yelubata kuituta, ki kuli musike mwa akufisanga lika. Mwabona, mu no libelela, mube ni tumelo. Haiba kuna ni se lu kupile Mulimu, muhupule kuli Mulimu wa alabanga litapelo. U ezanga zeo mwa nako ya Hae, ka nzila yende, kona ye ka lu belekela ka swanelo. Mi haiba seo ha si cwalo, kona kuli ki sikamañi se lueza mo kakusasana cwana? Kisikamañi—kisikamañi se lu ipapatela Bukreste he? Mulimu . . . Haiba le ha ki Linzwi la Mulimu, kona kuli Ha ki la niti, kona kuli lu fumaneha mwahala sicaba se si zielehezi mukwazo.

¹⁷ Ni tabile hahulu ka kukopanya lipilu ni babañata mo baba ziba kuli Le ki Linzwi la Mulimu le li sa palelwi. Mi Lona, Ki Linzwi lateni kaufela Niti, Linzwi la Teni kaufela, kalulo ya Lona kaufela. Mi ni ka sishemo sa Mulimu, ni bile ni tohonolo ya kubona Naha yeo zazi leliñwi lukaya ku yona.

¹⁸ Maabani. Batu ha ba zibangi linako zetata ze zamaelela ni bulumiwa bwa mufuta o cwana. Ne ni katazehile luli, mi se Ni bulelela musala ka kuli, “Ni lakaza kuli Ni fitelele fela ni ikele.”

Ki hali, “Kiñi ha ubulela cwalo, Bill?”

Se nili, “Oh, fa Nina ni matata ni lika zeñwi.”

¹⁹ Mi he kubonahalile kuli Moya o Kenile uize, “Kana ulika ku li fitelela? Kana wena, kana ulika ku li picuka?” Mwabona?

²⁰ “Kutokwa,” Se nili, “ni konise fela kuyema fapila zona kaufela ni kulibana ni zona. Mwabona, fela . . .” Mwabona?

21 Ki nto yende luli. Ka kusepahala, luli, Ni bulela se ka bupaki bwa kuiponela, kuli kasumulaho wa bupilo bo kufela, lukena mwa Naha ye fitelela sika kaufela seo akona kunahana mutu kaufela. Mi haiba kuna ni baenyi mwahali mo, Ni sepa kuli hamuna kuba. . . Ni lapela ku Mulimu kuli hamuna ku ni talimela kuninga kuba mufitelezi wa tumelo. Ni—Ni bata, haiba kuba sika kaufela, ki ku ba ya sepahala ni kubulela Niti. Mi ki bunde mañi bo bukona kueza kuna ka kubulela sesi fosahalile, hakuna ni—hakuna ni ze cwalo mwa buñata mwahali mo za Niti? Luna, kiñi haluna ni kubulela sika kaufela ka mafosisa? Mwabona? Ki, Ki Niti fela.

22 Mi, ki kabakaleo, Ni lumela kuli Paulusi na swasehile mwa lihalimu la bulalu, mi abona lika za na sa koni kubulela. Mi zazi leliñwi abulela kuli, “Liito ha li si ka bona kale, ni zebe kuutwa, kamba mane nihaiba kuli likene mwa lipilu za batu, zona za ba bulukezi Mulimu (zebulukezwi) baba Mu lata.”

23 Oh, lusweli fela kupila. . . Lupila mwa libunda le lituna kulo fa, kufelile, ki libunda fela la masila a—a musu otushana kuzwa mwa manyalala. A. . . Ni ha lu si ka tampakana ka ona luna kasibili, lupila ku ona, ko kuzwelela musu ko ku tushanela musu wa sibi. Silisiñwi sa lika ze kulisa hahulu ze Ni kona kunahana, ki muleneñi mo ku cisezwa manyalala. Kana mukile mwa sutelela ku ulimuñwi? Bumaswe bwani, miunko ye maswe ya musu osweli kuzwa mwa masila a mifuta kaufela. Mi—mi hamukala ku ubuyela, mi kipeto wa mi lyanganisa fela.

24 Ni hupula za kuya kwa New Albany, kwani kwa. . . kwatasa mukwakwa o bizwa Eighteenth Street, kwani kone kubanga libunda la manyalala lelituna, mi Ne ni yanga kwani ku yonga mitelo ya malaiti. Mi Ne ni sweli kubilaelanga zazi lani ha lifita, nzila ya bu eitini yani, hane Ni isanga zani kulo kwani, kakuli ne li nunkanga bumaswe habutuku luli. Mi ibo, kulo kwani nekuna ni mibili ya lipeba ni linja ni lika kaufela, mwa ziba, ze ne sweli kuca mulilo musu kipeto unzo tushana cwalo.

25 Cwale, ibo, ku zani kona ko bu likanyiswa bupilo bo, habuli bobunde luli. Ki manyalala fela asweli kuca mulilo, sibi sisweli kununka kai ni kai, sina mo kukona kubela, kubulela ka moya. Kono, oh, ko ku sweli kufuka moya ka kulukuluha, ni lika kaufela ki zende mi ni kozo ni Bupilo Bobusafeli, ki mwabuse fela bwa nuka. Kono lu mwa ndwa, kacwalo lusike lwa ina fela fafasi ni kubulela kuli “halu akufeni mi lufite kwani,” halutiseni mañi ni mañi hamoho ni luna yelukona kutisa. Eeni.

26 Mi cwale mulelo wa lituto ze ki ku kuswalisa katata bani babakeni kale mwa Naha ya mwabuse. Mulelo wa se, wa kubala Buka ye ya Maefese, ki kutomahanya hande kaswanelo keleke ko ilukela kuyema hande ku Krete. Ki mufuta wa Testamente ya Kale ni Buka ya Joshua, koo Joshua na lukisize. Sunda yefelile

ne lubile ni yona, koo Joshua na lukisize naha ka kuabela mutu ni mutu. Mi na ezize cwalo ka susumezo.

27 Kuli Mushe mwa na bezi . . . alukulula sicaba kuzwa mwa Egepita, ya garliki, miloho, kwani, ni kubafa sibaka seo Mulimu na ba sepisize lilimo ze mianda yemine kasamulaho . . . kamba lilimo ze mianda yemine kwa mulaho, kuli Na ka batisa mwa sibaka, sibaka sesinde mo kububa mabisi ni linonsi. Mi Mushe azamaisa bana ba Isilaele kutaha mwa naha, kono na si ka ba siliseza mwabuse.

28 Mi Jesu, ku ba moya, kwa sicaba se si ka . . . lu sepisizwe Moya o Kenile kuzwa kwa simuluho, Jesu na luisize kwa sepišo. Kono Moya o Kenile wataha, kakuba Joshua, ku to nga sibaka ni kuzamaisa ni ku etelela ni kuluwa naha, kamba kuluwa keleke. Lu fumana kuli, ka buino bwa lika, cwale, kuli mwahala za luna . . .

29 Cwale ki fa, mwendi, sicaba fo sikona kunahana kuli Ni tokwile likute mi ni lika kushwaula mizwale. Ha ni cwalo! Mulimu abe Muatuli waka, Ha ni cwalo. Mwabona? Ni lika fela kusupeza kwa nto ya Niti. Mwabona? Lu ketile baeteleli, ba batu, kufita kuetelela, baeteleli, litamaiso za Moya o Kenile. Lu batile kuli batu ba lu tomele siemba saluna kwa ku lu zamaisa, likopano ze cwale ka bo Methodist, Baptist, Presbyterian, Lutheran, church of Christ, Pentekota, ni likopano zeshutana, kuli litome kopano yeba mutala, mi lwa latelela seo. Kono luka . . .

30 Hakuna sibaka mwa Bibele ko lu bulelelwa kueza ze cwalo. Hakuna nihaiba timana iliñwi ya Liñolo, mwahala Bibele ya Mulimu kaufela, ko Akile a ongaonga keleke kamba ko Akile abulela ka za kopano, hakuna nihaiba sibaka silisiñwi mwa Bibele. Kono kamita ki ze shutani kwateni. Ha lati kuli luswane ni lika za lifasi. Ubata kuli lube baba ipitezi, baba beilwe kwatuko.

31 Ha ni talusi cwale kuba “bukuba,” sina mo lu li bizeza. Ni talusa kuba sicaba se si bizelizwe kwande, oh, ki naha ye kenile ye fuyozwi, baba pila bupilo bobusina nyazo, ba likezo, lunze luikunga kuya ka Mwa latela yena, inza beleka ku luna, kakuli lu libelekiso za Hae, lu bupilwe ku Krete Jesu kwa misebezi yeminde.

32 Cwale, la Bulalu busihu, buñata bwa mina nemusiyo la Bulalu busihu, kono lwa kena mwa . . . Ni lumela kuli ki timana ya 3 kamba ya . . . Batili, ki timana ya 5.

. . . *kutaha kwa kuañuliwa*, kamba kutomahanyiwa kwa sicaba . . .

33 Kuli mane Mulimu, ulika kutomahanya sicaba sa Hae. Mi Mulimu habeya iliñwi mwa sibaka, fohe, oh, keleke kaufela yona ilukela kuba inge ona yani, libe ni lika zeswana, kueza lika zeswana. Lu pumakilwe ka kushutana, lu bupilwe ba bashutani,

lu hulisizwe ka kushutana, mi lu tomahanyizwe mwa libaka ka kushutana, mutu ni mutu kwa musebezi o shutana; mwendi yo ki mufuta fela wa musebezi nyana cwalo, yomuñwi ki wa musebezi omutuna. Ni lumela kuli neli Davida kamba alimuñwi wa baplofita, Ni libezi cwale, ali, “Ni tabela kuba sitauliso sa masila a kwa mautu kwa Ndu ya Mulena, kufita kuba . . . ya pila mwa litende ni baba masw- . . . ni baba maswe.”

³⁴ Cwale luka yema fa muzuzu nyana fa kuañuliwa, timana ya bu 5, lulike kushetumuka kapili mo lukonela ku yona. Kono cwale muhupule toho ya taba, kaufela yona italimana ni za kutomahanyiwa. Ki babakai baba utwisisa seo? Halu utweni mubulele ka linzwi lililiñwi. Kutomahanya [Kopano ili, “Kutomahanya”—Mu.] kwa Mubili [“kwa Mubili”] wa Jesu Kreste [“wa Jesu Kreste”] mwa sibaka [“mwa sibaka”] ku Kreste [“ku Kreste”] koo Moya o Kenile [“koo Moya o Kenile”] u nzo lu etelela. [“u nzo lu etelela.”] Kifo he cwale, cwale lu utwile, mwabona. Ku lutomahanya ka swanelo, Buka ya Efese kona yelukela kueza cwalo.

³⁵ Mi mubone muluti ya cuukile wa sikolo yo, Paulusi. Taba yapili yaeza ki kuzusa kwateni pili muhupulo wa kuwa. Kuzusa kwateni muhupulo o cwalo “kakuba Mukreste kacenu ni kamuso kipeto Na wa, mi habusa Mulimu wa ni nyaza mi habusa na kutela sinca hape.” Bwani ki bukuba! Cwale ye ki. . . Buka ye ha iñolelwi kwa tuto ya bulumiwa, kutazo ya mulumiwa. Haluna . . . Ha ni ngunyutangi ku ze hanili mwa masimu. Ni tisa se kwa keleke, kakuli Paulusi na li ñolela ku ba bakenile, ili bona baba bizizwe ni kubulukiwa, mane ba beilwe kwatuko, mi batezi Moya o Kenile, bakeni kale mwa Naha ya Kanana. Ulika ku ba bulelela, taba yapili, mu zuse zeo mwa munahano wa mina kuli mu ka lateha mi muka eza se, mi musweli kusaba se. Musike mwa saba lika zesiyo, kakuli ulika ku mi bulelela fo muzamaela, yo muli yena, mo mu yemezi.

³⁶ Cwale, wakona kueza lika ka mafosisa, mi nako kaufela ha ueza mafosisa ukaba ni kulifa bakeñisa ona. Eeni, sha, uka kutula se ucala! Kono seo hasina sa kueza ni puluso ya hao. Ha u pepilwe ka Moya wa Mulimu, una ni Bupilo Bobusafeli mi haukoni kushwa sina Mulimu ha sa shwi. U siemba sa Mulimu, u mwana Mulimu.

³⁷ Ne ni pepilwe nili mu Branham. Mwakona ku ni fa libizo lisili, libizo liseli, kono halina ku ni nyanyifaza nihaiba hañwi, Ni sa li Branham. Ne ni pepilwe nili Branham, kamita nikana ni ba Branham. Nika . . . Nakona kuba ya sinyehile zazi leliñwi, ya cilwe ki butuku bwa kuopa mwa lingongo, ni be ni kozi ni ku pazauha mubili kaufela kufitela Ni bonahala inge folofolo, kono Ni kaba Branham niteni! Kiñi? Mali a Branham ainzi mwahali.

³⁸ Seo kona semuli sona. Mi haibile fela Mulimu umi bupile. . . Cwale muhupule, Ha ni buleli kubabali kwande a Kreste. Ni

bulela ku bani babali ku Kreste. Mukena cwani ku Kreste? “Ka Moya ulimuñwi!” Taku yetuna ya M-o-y- . . . ili kutalusa kuli, “Ka Moya o Kenile ulimuñwi luna kaufela lu kolobelizwe mwa Mubili ulimuñwi.” Kana luka ba . . . Lu kena cwani mwateni? Ka kolobezo ya mezi? Mo Ni sa lumelalani ni mina ba Baptist ni mina ba church of Christ. Ha ki ka kolobezo ya mezi, hakuna zecwalo! Makorinte Bapili 12, ili, “Ka Moya ulimuñwi, Moya o Kenile, luna kaufela lu tisizwe mwa Mubili wani.” Mi luiketile fela sina Mubili wani mo ubezi o iketile. Mulimu u . . . sepsize cwalo.

³⁹ Kana Mulimu ukona ku Mu atula cwani hape, kanti Naile kwa Kalvari? Akambama kuliba Gologota, A natiwa, aholofazwa, Na sa folisi, Nasika bulela nihaiba linzwi, mane. Kakuli kiñi? Nana ni libi za lifasi ku Yena. Isiñi kuli Nali muezalibi, kono “Na ezizwe sibi” bakeñisa na ni wena. Libi za lifasi kuzwa ku Adama kufitela kutaha kwa Hae, liinzi fa liheta la Hae. Mi Mulimu afa Mwana Hae koto. Nasweli kufa koto kwa sibi. Mutalime mo ne li sabiseza? Nasweli kulukisa tukiso ya swalelo. Nasweli kueza nzila ya kubaleha ku bani bao Mulimu, ka kuziba kwa Hae kwa makalelo, na ziba kuli baka taha. Luka kena ku zeo mwa mizuzu yelikani fela.

⁴⁰ Cwale, he, hamuli “ka Moya ulimuñwi luna kaufela lukolobezwa mwa Mubili ulimuñwi wani, Mubili ulimuñwi wo, ki Kreste,” mi luiketile kuyakuile.

⁴¹ Cwale, fo kona fo kubonahalela kusabisa, sihulu ba—ba—ba lumeli ba Arminian, kuli bona ba . . . na ni kueza sika fakuli bafumane sika, kamba mupuzo omuñwi cwalo. Ukona kuba cwani ka lika zepeli ka nako yeswana? Ikona kuba fela ka sishemo kamba ka misebezi, iliñwi. Haikoni kuba ka sika se si swana, ki lika zepeli zeshutana; ilukela kuba ka nto iliñwi. Ki . . .

⁴² Na, mawi, Na hakuna se ni bona kwanda sishemo sa Mulimu. Cwalo kona mo ni bupezwi. Na kamita ni lumela mwa sishemo. Ni tezi fela sishemo mubili kaufela, ku felile. Ha ki Na—Na . . . nihaiba mwa bupilo bwa ka, hane Ni sali mushimani, Nekusina sene ni bona, fela ki sishemo, sishemo. Ba li, “Ni—Ni ka . . . U ni ñwaye mwa mukokoto Nina ni ka ku ñwaya mwa mukokoto.” Kihande, ki mubulelelo o sabisa. Kono Hanina taba kamba wa ni ñwaya kamba nee, haiba wa hao utokwa ku ñwaiwa, Ni ka ku ñwaya ona cwalo. Mwabona, sishemo. Eeni, sha. Mwabona, sishemo sibeleva ka lilato. Haiba mwa si tokwa! Hakuna taba kamba hakuna ze mu ni ezelize, Ha—Ha nina nto ni yekana ya kueza ni mina, haiba mwa tokwa cwalo Ni ka eza hakuna mukwa. Sishemo! Bakeñisa fela kuli mwa si tokwa!

⁴³ Ne ni tokwa kupiliswa. Nekusina sene si ka ni pilisa. Nekusina sene Ni ka ikezeza ilina, Ne ni sakoni kuipilisa ninosi. Kono Ni tokwa kupiliswa, kakuli Ne ni lumela ku Mulimu. Mi Mulimu aluma Mwana Hae, aezwa mwa siswaniso sa nama, ku

to nyanda mwa sibaka sa ka, mi Na piliswa, neli ka sishemo fela ha Ni piliswa. Hakuna nihaiba nto iliñwi ye Ni ezize, kamba yemueza, kuli muipilise ili mina. Mi bona Ba zibile kusikaba kale mutomo wa lifasi . . .

44 Luse lufitile ku zona, la Bulalu lelifitile. Ne lu swanize Mulimu mwa buino bwa Hae bwa Elah, Elohim, ni kubonisa kuli Nali ya ipupile anosi. Kono mwahala Hae nekuna ni Bushemi bwa ndate, mwahala Hae nekuna ni zende ze shutana, ze cwale ka kuba Mupulusi, ka kuba Mufolisi. Zani kaufela nelili ku Mulimu, mi Mulimu na ipupile iliyena. Kono ka kuba kuli Nali yena Mupulusi, Nali yena Nda- . . . Na sina Lingeloi, Na sina sika. Nekusina sina kwanda Hae kasibili. Nali ya ipupile anosi. Hakuna sene siliteni kwanda Mulimu.

45 Kono ka kuba kuli Nali Mulimu, kona kuli kulukela kuba sika se si Mu lapela, kakuli Na lata milapelo. Mi Sibupiwa sa Hae Luli sa bupa libupiwa za ku Mu lapela. Cwale, ka swalelele, halu nateni fateni hape, ka swalelele cwale, haluna kufita mwa sika kaufela, kono muka li utwa fa matepu. Kono bakañisa kuli Nali yena Mulimu, A bupa Mangeloi, mi Mangeloi na Mu lapela. Mangeloi a sa Mu lapela. Kiñi, Mangeloi ayemanga fapila Kubatani kwa Mulimu ana ni a silezi, mafufa a silezi mwa sikwata, mafufa a silezi. Alwala amabeli kwa lifateho za Ona, amabeli kwa mautu a Ona, ni kufufa ka amabeli, fapila Kubatani kwa Hae, inza huwa musihali ni busihu kuli, “Uyakenile, uyakenile, uyakenile, Mulena Mulimu Yamata kaufela.” Seo kona sa bulela Mañolo. A Mu lapela, cwale sani ne si bupezwi ku Mu lapela.

46 Cwale mwahala Hae nekuna ni mulelo wa kuba Mupulusi. Kana iliñwi ya Libupiwa zani, hane kusina sibi kamba mihupulo ya sibi, iliñwi ya Zona neika lateha cwani? Nekusike kwaba cwalo. Kona kuli neku lukela kuba sika se ne silukela kulateha, ili kuli Abe Mupulusi. Mwahala Hae nekuna ni Mufolisi. Kikuli mwa lumela kuli Ki Mupulusi? [Kopano ili, “Amen.”—Mu.] Mwa lumela kuli Ki Mufolisi? [“Amen.”] Kono kucwani haiba nekusina sika sa kupiliswa kamba kufolisa? Mwabona, nekuna ni kuba sene si lukisizwe ka nzila yani.

47 Kacwalo cwale, Na si ka eza ka nzila yeo, kono Na beile mutu fa tukuluho ya kuiketela, “Haiba mu amuhela *se* muka pila, haiba mu amuhela *sani* muka shwa. Mi mutu kaufela ya taha mwa lifasi u sa tomezwi lika zeswana. Mulimu, ka kuziba kwa Hae kwa makalelo, na zibile ba baka kona ni babasike kukona. Haiba Mulimu kakuba . . .

48 Puzo ye ne buzizwe maabani ka munituti wa za bulapeli, ku na, yabile mwa mikopano kamba yana teezeza kwa tepu, neli kuli, “Puzo iliñwi!” Na ize, “Kana Mulimu uteni kai ni kai? Mi,” ki hali, “Wakona kuba kai ni kai?”

49 Se nili, “Ha yo kai ni kai kuya ka mo libulelela linzwi kuli kai ni kai. Hakoni kuba Sibupiwa mi abe kai ni kai. Haiba U kai ni kai, ki kabakalañi hamukona kulapelela Moya o Kenile? Haiba Yena ukai ni kai, U tala mwa miandala kaufela, lilulu, lihaha, kalulo yenyinyani kaufela ya bupilo, lisapo, sika kaufela ku ze liteni.” Ni iize, “Kiñi sa Na bata batela Mushe, haiba Uteni kai ni kai, mwa ndu ya baenyi? Kiñi za Na mata mata kafa ni kafa mwa simu ya Edeni, inza huwa kuli, ‘Adama, Adama, u kai?’ haiba U kai ni kai?”

50 Yena ukai ni kai bakeñisa kuli U ziba lika kaufela. U ziba lika kamukana kakuli Hana fa felela, kakuba ya sa feli si Mu eza kuba ya ziba lika kamukana. Kakuba ya inzi kai ni kai, konakuli, kakuba yasina fa felela, konakuli, U ina mwa Mahalimu. U pila mwa sibaka kakuli Ki Sibupiwa.

51 Kono, kakuba ya sina fa felela, kona kuli U ziba linto kamukana. U ziba linako kaufela zeo mununu uka kobyia meeto a ona. U ziba muka kaufela, haikena mwa ngoma ya yona kuyonga linonsi. U ziba nyunywani kaufela ye lula fa kota. U ziba mulelo kaufela oli mwa mihupulo ya mina, kakuli Yena hana fa felela mi u ziba linto kaufela. Fo kikuli, Yena ha ki Ya sina fa felela, U ziba linto kamukana, U ziba lika kaufela. Kono Ki Sibupiwa, Mulimu ki Sibupiwa, mi kuzwa kwa Sibupiwa se kwakala kutaha ona lika ze.

52 Mi sibi, Ne ni bulezi busihu bobuñwi, sibi ha ki pupo. Hakuna se si bupilwe kwanda ze petehile. Mulimu na bupile lika kaufela hande. Sibi ha ki pupo. Naize, “Kihande, yani kona pupo ya sibi luli.” Mu utwile cwalo. Kono ao ki mafosisa. Sibi . . . Kuna ni fela Mubupi alimuñwi, yani ki Mulimu. Mulimu nasika bupa sibi, kakuli U kenile mi hakuna sika ku Yena sesikona kueza cwalo. Sibi ki kulyangana; isiñi pupo, kono ki kulyangana. Boozwa ki kezo ye lukile kono i lyanganisizwe. Buhata ki niti ye bulezwi ka mafosisa. Sibi kaufela, sibi kaufela ki kuluka ko ku lyanganisizwe.

53 Kabakaleo cwale, Mulimu utomile. U sa iponahalize kale Iliyena, Ki Mulimu. U sa iponahalize Iliyena ka kuba Mupulusi, mutu na latehile mi A mu pulusa. U sa iponahalize kale Iliyena kakuba Mufolisi. Hakuna shutano ni yekana ka ze ba bulela batu kuli kona Mwa inezi; ni Sali sona, nihakuli cwalo, kinto ye swana fela. Yena ki Mufolisi, Yena ki Mupulusi, Ki Mulimu, Ki wa Kuyakuile. Mi Una ni mulelo. Mi mulelo wa Hae neli kuli, kwa simuluho, kuli abupe libupiwa ze ka Mu lata ni ku Mu lapela.

54 Mi A bupa libupiwa, mi libupiwa za wa. Mi cwale Mulimu, ka buicemeli bwa kusa fela kwa Hae, atalima kupunya mundandwe wa nako mi abona mutu kaufela yana ka piliswa. Mutu kaufela, Na zibile ka kulemuha kwa makal- . . . ka kulemuha kwa makalelo. Kabakaleo haiba Yena, ka kulemuha kwa makalelo, na zibile yana ka piliswa ni yanasike ku piliswa, na ka lukiseza cimo

lika. Kacwalo, linzwi ha ki linzwi leli maswe ni hakuli cwalo, nji cwani? Na ka lukisa, kakuli Na zibile yana ka konahala ni yana sike ku konahala. Kabakaleo, fa kuli akone kuswala yana ka konahala, Nana ni kueza tu—tu tukiso ya tifo ya libi za bona. Oh, haiba lukona, lu bata kunga ze, litimana nyana fafasi fa. Na lu lemuhezi kwa Bupilo Bobusafeli, ka kuziba bene ba ka beya kwatuko lika kaufela, mi hakuna taba kamba kusa izeza ngana kwateni kubonahala cwani kwa bana ba lifasi, seo ha si talusi nihaiba nto iliñwi ku bona, kakuli nebali bana ba Mulimu. Mi Na ba bizize.

⁵⁵ Mi A luma Jesu, kuli Mali a Hae abe sitibiso, sitibiso sa Mali, kuli aeze tukiso ya swalelo, kamba ibe—ibe kamuhelo, kamba kukeniswa. Musebezi wa kukenisa ka tundamo. . . Isiñi fela ancafazo ya nako iliñwi, kono “yepila kamita, inza lu lapelela kwateni,” kuli Mukreste abulukiwe ali ya kenile musihali ni busihu. Ki ani Mali a Jesu Kreste asweli kueza—kuli kube kamuhelo fa sifapahano fani, fa. . . pila Kubateni kwa Mulimu, asweli ku lukensa katundamo, musihali ni busihu, kwa sibi kaufela. Mi lu tamahanyizwe hande mwateni. Lutamahanyizwe cwani? Ka Moya o Kenile, mwa Mubili wa Mulena Jesu, mi luiketile. “Ya utwa Manzwi a Ka mi a lumela ku Ya Ni lumile, una ni Bupilo bwa kuyakuile mi hana kutaha mwa katulo, kono u sa zwile kwa lifu kukena mwa Bupilo.” Hakusana katulo ni hanyinyani! Mukreste ha yi kwa katulo. Kreste umu kenezi kale mwateni. Muzekisi waka ki yena yana ni yemezi mwa sibaka saka. A ni ambolela kwateni taba yaka, kuli ne Ni sa zibi sesiñwi. A bulelela Ndate kuli Ne ni sa swaneli, kuli Ne ni sa zibi sesiñwi. Kono A ni lata mi Anga sibaka sa ka, ni kuni ambolela kwateni taba ya ka, mi kacenu Ni lukuluhile! Eeni, sha. Mi A sulula Mali a Hae, ku a sulula bakeñisa libi za luna.

⁵⁶ Muhupule la Bulalu sunda yefelile busihu, hakuna Mukreste. . . Mukreste ya eza sibi, kono muezalibi hakoni kueza sibi. Muezalibi haezi sibi, kakuli ki muezalibi. Yena ki muezalibi fela ona cwalo ka kukala, mi kipeto. Kifa, munge siemba—munge siemba sa kwa mulaho wa buka ye, ki se sinsu, kana sani ki bunsu bo bucwani? Ki bunsu kaufela. Hakuna busweu ku sona, ki bunsu. Mu li, “*Fa* ki fokunsu hahulu.” Batili, ha ki cwalo, kaufela sona ki se sinsu. Ki bunsu kaufela kona. Kona mwa inezi ni muezalibi. Yena u nyazizwe isali kwa makalelo. Kihande, mu li, “Kucwani haiba ueza boozwa? Kucwani haiba a tundanisa musali? Kucwani haiba—kucwani haiba a laula? Kucwani haiba akunupa mutu?” Zeo ha lina taba ni luna. Zeo halina taba ni luna, luna ni milao kwanu yekona kutalimana ni zona. Luna ha lu baongaongi ba milao, lu bakutazi ba Evangeli. Ha lu munyazi ka sa eza, ha lu munyazi ka kueza boozwa. Lwa mu nyaza kakuli ki muezalibi! Haiba ki Mukreste, nasike kueza cwalo. Yeo ki niti. Haiba u cincizwe, hakoni kueza zeo. Kono kakuli ki muezalibi, kona ze muezisa kueza ze cwalo.

57 Fani kona foku shokolela ma—ma mahutu a tukuluho ya mayemo a ba milao. Eeni, sha. Muzwale, halubonefi ni mi bulelele, “Ha ki ka misebezi, kono ki ka sishemo ha lu piliswa, mi seo ki ka tumelo.” Eeni, sha. Cwale, Hanina kunyaza mizwale ba za milao, ki mizwale baka. Mi bainzi fani sina ka kuswana fela sina babañwi kaufela mo bainezi kwani, kakuli Mulimu na lukiselize kale Keleke ya Hae kuli ibe teni. Kono taba yateni ki kuli, mu—mu beya sicaba mwa kañi yetuna, ha ba zibi sika. “Kacenu, kihande, mwendi haiba Ni—Ni. . .” Ha ba zibe fela; haibile fela bana ni tala ya za lifasi, habayo mwateni ka kukala.

58 Ha ni pili ka kusepahala ku musala ka ku nahana kuli u ka Ni hana. Ni pila ka kusepahala ku musala ka kakuli Na mu lata. Ki mayemo a za milao ni tumelelo yelungile, kuli lu latane yomuñwi ni yomuñwi. Pili, mane lisikaba teni kale, ilukela kuba lilato. Na mu lata. Ni ha Ni lumela kuli haiba ni eza sika ka mafosisa, na ka ni swalela, nitefi Hanikoni kueza cwalo ni kamuta. Na mu lata.

59 Cwalo kona mo kuinezi ni Kreste. Haiba Ni—haiba Ni pila. . .Nina ni lilimo ze mashumi aketalizoho, haiba Ni pila kuba wa ye nainte kamba mwanda, ni be li lilimo zeñwi ze mashumi aketalizoho za kukutaza; mi Ni sike na kutaza nihaiba nako iliñwi, niye ni yoina fa nuka, Ni pilisizwe ni hakuli cwalo. Mulimu na ni pilisize ka sishemo sa Hae, ya sa swaneli sika kaufela ku Ni kile naeza, kamba ze ni kile na eza, kamba sika sifi kaufela. Na kutaza kakuli Na Mu lata mi Na lata ni sicaba sa Hae. Mi leo kona libaka ha Ni ziba kuli Ni zwile mwa lifu ni keni mwa Bupilo, bakeñisa kuli Na ba lata mi Na ba latelela. Hakuna taba kamba bainzi mwa buino bwa mufuta mañi, Na ba latelela nitefi. Ki kuya ku yobanga nihakuli cwalo, ku ba hoha nikuli cwalo. Haiba bakutazi ni babañwi ba sa lumelelani, ni likopano li sa lumelelani, sani ha si ni tuhelisi. Kuna ni sesiñwi! Ne si si ka Mu paleliswa! Na keni mwahala ku sa lumela, mi ne si si ka Mu paleliswa, Na zwezipili kuya kwapili ona cwalo. Sani kona se lu eza, muzwela kwande mi mube mu yomunga, ku yo ba swala nihakuli cwalo. Hakuna taba, kufita kubona, kuba swala, muswalelela ku ze mukona kaufela. Hamu zibi ka inzi. Mwa ba pilisa. Sani ki ka bakeñisa lilato. Isiñi kuli “Nina ni kueza cwalo,” kono bakeñisa kuli Na lata, kakuli mwa lata.

60 Muli, “Ni lukela kuya ni ku yo lukisa lika ni musali yani, kono, Na mi bulelela cwale, Ni sepa kakuli Ni ya kwa keleke Ni lukela ku yo lukisa lika.” Batili, ki mina baba lukela ku li utwisisa hande, pili. Mwabona? Mwabona? Haiba hamuna lilato la Mulimu mwa lipilu za mina, kuna ni se si ka mi zibisa kuli mu fosize, kipeto muzamaye—kipeto muzamaye mu yo kondisa lika ni Mulimu. Mi mu ka kondisa lika ni be muyahile mabapa ni bona.

61 Jesu na lutile nto yeswana. Na ize, “Ha mutaha kwa katala, mi kuba ni. . . muhupula kuli muna ni taba ni mutu ye muyahile

mabapa ni yena kamba muzwale, muye mu yo kondisa lika ni yena, pili.”

⁶² Cwale, cwale mwa masika a sa taha. Neluna ni zona la Bulalu busihu, “za kubonahala.” Lwa li swala hape kakusasana wo, mwa “kubonahala kwa bana ba Mulimu.” Ka manzwi amañwi, Mulimu u libelezi. Mi hape kwa nako ya maungulo kaufela luna ha lu ka yo yena fapila Hae. Mangeloi na si ka lateha. Haana kuziba mwa ku ikolela limbuyoti sina luna, ona a si ka lateha fateni. Kono Na ziba ko Ni zwile, Na ziba licwe ko ne Ni zwisizwe, nili muezalibi. Mwa ziba ko ne mu zwisizwe. Cwale ha lu se lu fumanwi, kona kuli lwakona kuyema fapila Mulimu. Oh, ha ki lizazi ni leo mo likabela!

⁶³ Mi kuañuliwa, kutomahanyiwa. Cwale, Mulimu usweli kueza se fa musebezi. Mi cwale haiba Ni kona kumi fitiseza se, kipeto luka kalisa fa timana ya 5, Ni bata ku I bala.

*Ka lilato la Hae na lelile pili ku ikañulela luna ka Jesu
Kreste, ka ku lata kwa Hae Luli,*

⁶⁴ Ki tato ya Mulimu kuli aeze ka kulata kwa Hae, kuañula, kutomahanya. Cwale ki sikamañi Sa eza? Utomahanya Keleke ya Hae. Pili, U bizize keleke ya Hae, Methodist, Presbyterian, Lutheran, Baptist, ku li biza. Kona kuli ki sikamañi sa Na ezize? U lumile Moya o Kenile ni kubafa Moya o Kenile.

⁶⁵ Ni bata kuli mina sicaba sa Mapentekota kuli muzuse se mwa lipilu za mina. Pentekota ha ki kopano; pentekota ki kutwisiso. Ki ona Moya o Kenile. Ha ki kopano. Hamukoni ku onga onga Moya o Kenile. Haukoni kuyemela zeo. Cwale muna ni kopano ye mubiza cwalo, kono Moya o Kenile uzamaya hande kwande ni ku mi lumeleza kuina fo muinzi, ni kuzwelapili fela kuya. Mwabona? Pentekota ha ki kopano; pentekota ki kutwisiso.

⁶⁶ Mi cwale Mulimu afa bana ba Hae Kupepwa sinca, ka kolobezo ya Moya o Kenile. Ba taha bukau fi ni Kona hane ba ikenisize, ka Nazarene, Pilgrim Holiness. Mi ba taha mwa kutwisiso ya pentekota, kamba kolobezo ya Moya o Kenile, ili kukutisizwa kwa limpo. Ba ya kwapili ni za kubulela ka malimi ni kutoloka malimi, ni kufa limpo za kufolisa ni limakazo, mi lisupo ni ze komokisa za ya ni bona. Cwale ki bana, ki bana ba Mulimu. Ba keni hande mwa sibaka ku Kreste. Ba fetuha bana ka Kupepwa. Mi Kupepwa sinca ni kufetulwa Ili ka Moya o Kenile.

⁶⁷ Mane hamusika fetulwa kufitela mu amuhela Moya o Kenile. Kona sa bulezi Mañolo. Jesu a bulelela Pitrosi, mubuze mutu kaufela, mubale Mañolo a mina, na beilwe ya lukile ka kulumela ku Mulena Jesu, aba mulateleli, wa muapostola. Jesu na mu file linotolo za Mubuso. Mi Joani 17:17, Aba kenisa, abafa mata, aba luma kuli baye cwalo, ba yo leleka mioya yemaswe ni lika zeñwi, aba kenisa. “Ba kenise, Ndate, ka Niti ya Hao. Linzwi la Hao kona Niti. Na ikenisa Ilina bakeñisa bona.”

68 Lani ki leliñwi la manzwi a munati hahulu ku e Ni kile na utwa. “Ndate, Na ikenisa Ilina bakeñisa bona.” Kana mwa ziba kuli Nana ni tukelo yakuna ni lapa? Nali mutu. Kana mwa ziba kuli Nana ni tukelo yakuba ni musali? Na li Muuna. Nana ni tukelo kwa lika ze kaufela, kono Na ize, “Ndate, Na ikenisa Ilina bakeñisa bona. Na ikenisa Ilina.”

69 Ne ni ambola ku mukutazi nyana maabani, Ni ka mu kutaleza mwa masihu nyana kwani mwa nzila yani. Mi Na mu buza ka nto yeñwi, ki hali, “Eehe, Muzwale Branham, kono buñata bwa sicaba sa hesu ha ba lumeli ku zani.”

Se nili, “Buñata bwa bona ki balumelezi ba milao?”

70 “Eehe.” Muzwale ha lumeli zani. “Kono,” ki hali, “ka bakala bona!” Oh, Ne ni bata ku kumbatela mulala wa hae. “Ka bakala bona, mwabona, Na ikenisa ilina bakeñisa bona.”

71 Oh, Jesu nasweli kuluta baana baba twelufu, kuli ka bona baana baba twelufu bani neba ka hasanya Evangeli kwa lifasi. Mi Na ize, “Ka bakala bona Na ikenisa Ilina.” Muikeze ili mina kabakala yomuyahile mabapa ni yena, bakeñisa mutu yomuñwi. “Usike wa itusisa tukuluho ya hao kuba sitataliso ku mutu,” kwa bulela Paulusi, “kono muikenise ili mina!” Muipuluke hande ku bemuyahile mabapa ni bona, inge Mukreste wa luli mwa lukela kubela. Mubone kuli lingambolo za mina libe kuli, haiba mu kopana ni sila sa mina, muikenise ili mina bakeñisa yena, kusina kuziba semukona kueza.

72 Cwale kutomahanya mwana. Nto yapili kasumulaho mwana ha na taha, ha na ba mwana wa mushimani, kono cwale lufumana kuli buino bwa hae kona bone bu mu beya mwa kuañuliwa, kamba na ikuteka mwa buino kamba kutokwa.

73 Mi ki ma—ma pentekota . . . Cwale mutuhele fela ni mi bonise kuli pentekota ha ki kopano. Ki ma Baptist babakai babali mo bene bali ma Baptist, baba amuhezi Moya o Kenile, ha luboneni mazoho a mina. Mwabona? Ki ma Methodist babakai mwahali mo baba amuhezi Moya o Kenile, munanule mazoho a mina. Ki ma Nazarene babakai mwahali mo baba amuhezi Moya o Kenile, munanule mazoho a mina. Ma Presbyterian, baba amuhezi Moya o Kenile bo? Mwabona? Ma Lutheran bo? Likopano zeñwi, ze ne si za Mapentekota ni hanyinyani, bene bali fela ba siemba sa kopano yeñwi cwalo, baba amuhezi Moya o Kenile, halu boneni mazoho a mina. Mwabona? Kacwalo he kanti pentekota ha ki kopano, ki kutwisiso.

74 Cwale, Mulimu na mi kenyize mwa Mubili wa Kreste. Cwale ki sikamañi Sa eza? Kasumulaho mu mano iponahaza ili mina, mukenise ili mina bakeñisa bunde bwa yemuli mabapa ni yena, munze muutwela Moya o Kenile, hakuna taba seo lifasi libulela.

75 Ni—Ni ka huta taba ye ka buhali luli, mwabona, kakuli . . . Ha ni talusi kuba yana ni kashwau. Ni—Ni . . . shangwe musike—musike—musike luli shangwe, mwabona. Musike luli shangwe

mwa nahana kuli Ni—Ni tokwile buiswalo. Ha—Ha nibati kuba ya cwalo. Se si ni bilaeza, ki kunga sicaba ni ku kutaza ku bona ona Niti ye lumilwe ya Mulimu ye, mi ba ka sikuluha ni kuzwelapili fela kueza lika zeswana, ni kubulela kuli bana ni Moya o Kenile. Zeo luli li ka mi sinya fela, mwabona. Ki butata mañi? Bakutela hape kwa sika se si swana, mane inge fela bana ba Isilaele, neba bata mulena kuli mulena yo aba buse ni kuba ezisa kuba ni likezo za ma Amori ni za ma Amaleke ni za Mafilisita.

⁷⁶ Kana mwa ziba, likalibe, kuli kwa fosahala kutina tulukwe? Kana mwa ziba cwalo? Kana mwa ziba kuli ki mafosisa kukuta kwateni milili ya mina? Kana mwa ziba kuli kwa fosahala, muñaka, kuli uzwelepili kuzuba kwai ni kueza lika zo sweli kueza? Kana wa ziba kuli kwa fosahala kuli ube muuna ya nyezi mwa lapa la hao, musala hao asa filikana fela kipeto wa ku lahela fande mi uli, “Eeni, ifuyolwe pilu ya hao, mulatiwa, Ni ka kuta hape?” Kana mwa ziba kuli mina . . . Kana ukona kuba cwani ya bunolo kwa Ndu ya Mulimu kanti mane haukoni kubusa ndu ya hao? Yeo luli ki niti. Kana wa ziba, kezeli, kuli bo muuna hao ha ki bo muuna hao fela, kono ki mubusisi wa hao? Mulimu na bulezi cwalo. Kakuli muuna na si ka pumiwa, ki musali yana pumilwe. Ni mina bakutazi munze muzwelapili kusupa basali kuba bakutazi mwa likeleke za mina, inze muziba hande kuli Linzwi la Mulimu la nyaza cwalo.

⁷⁷ Munze munitusisa libizo la kuli “Ndate, Mwana ni Moya o Kenile” ha mu kolobeza, kanti mane hakuna nihaiba kalulo iliñwi ya Mañolo a cwalo mwa Bibe. Ni bata bishopu yomutuna kamba mutu yomuñwi kuli ani bonise koo mutu ufi kaufela mwa Bibe akile a kolobezwa ka libizo la “Ndate, Mwana, Moya o Kenile.” Ni bata kuli mutu yomuñwi ani bonise yana kile a kolobezwa ka nzila isili kwanda kuba ka Libizo la Jesu. Kono Joani na si ka . . . kolobezwa, ne ba kolobezwa banze ba lumela ku ya Na taha, kono ne ba sa zibi kuli Nali mañi. Kono ha ba tilo lemuha cwalo, nebana ni kutaha ku to kolobezwa sinca ka Libizo la Jesu Kreste. Ni bata kuli mutu yomuñwi cwale . . . Ni—Ni kupile ba Assemblies of God, ni bakutazi basili, ba Baptist, ba Presbyterian, ni babañwi. Ba palezwi, ha ba si ka bulela fateni sika. Ni bata kubona Liñolo.

⁷⁸ Mi kipeto Ni ba “ya fiteleza tumelo,” huh, konakuli Ni “lyangani,” ni lyangani mwa toho, Ni muuna wa “sipulumuki,” fela ki kuli Ni lika ku mi bulelela Niti? Cwale, seo—seo sa sepahala, mizwale. Haiba mutu ulekisizwe ka kutala ku Mulimu, mulekisize sikulukulu, sipakiso, ni muyengo wa kuswalela. Mu—mu—mu—mu se—mu se mubeilwe kwatuko, muse—muse muli sibupiwa sesi shutana.

⁷⁹ Babañata ba bizizwe, ki babanyinyani baba ketilwe. Eeni, batu babañata ba bizizwe, hamuna ni pizo mwa pilu ya mina,

“Eehe, Ni lumela kuli Mulimu wa ni lata. Ni lumela kuli U eza ona cwalo.”

⁸⁰ Kono, muzwale, bakeñisa, kuli uka lateha mane inge babañwi babona kaufela, kakuli ba ka taha kwani zazi lani, mane ba bulele kuli, “Mulena, Ni lelekile mioya ye maswe ka Libizo la Hao. Ni ezize lika kaufela ka Libizo la Hao. Ni bile ni lisebelezo za foliso. Ni kutalize Evangeli. Ni lelekile mioya ye maswe.”

⁸¹ Mi Jesu ali, “A muzwe fa, Nali kuba ni mizibe mane, baipi tuni. Ki ya eza tato Ya Ndate!” Kiñi sicaba ha si sa boni zeo? Cwale, Ni ziba kuli seo sa ñwalula. Mi Ha ni—Ha ni talusi kuholofaza, Ha ni talusi ka nzila yeo. Kono, muzwale, Na—Na. . .

⁸² Ku bonahala ku na inge kuli lu—lu kwa nako nako ya mafelelezo, ni Mulimu usweli ku añula, utomahanya hande lika mwa Keleke, mwa Mubili wa Kreste, ba Hae. Cwale, hakuna kuba babañata hahulu bao A beile mwani, Ni ka mi bulelela cwalo ka kukala. Mu li, “Oh, kihande, ku kaba nombolo yetuna luli!” Kono Ubile ni lilimo ze likiti ze silezi kuli a ba zwise mwateni, ni bona. Muhupule, zuho isa taha fela kipeto lwa ngelwa hamoho ni bona. Ki babalikani fela ba bona, mwabona. Mu bate puluso ya mina, kapili. Mu iceke hande mi mubone se si foshalile. Mwabona? Mubone fela—fela kuli butata ki bufi. Ni ziba kuli sani—sani si tata, kono, muzwale, ki yona Niti. Ki Niti ya Mulimu. Kuañuliwa!

⁸³ Lu lukela kuba hahulu fa mulilo wa Mulimu, lu lukela kuzamaya musihali ni busihu. Hakuna se si lukela ku lu tuhelisa, mi lu lukela kuba baba munati hahulu ni ba bande hakalo, ni sishemo hahulu mane ni kutala hahulu mikwa ya Kreste mwa bupilo bwa luna. Si lwala bupilo bwa zazi ni zazi. Jesu naize, “Mubone lipalisa za mwa simu, mo li melela, za sebeza ni kuona bwanda; ibo Ni li ku mina kuli Solomoni mwa kanya ya hae kaufela na si ka apala sina iliñwi ya zona.” Solomoni nana ni liapalo ze kabisizwe ka bwanda bobu kanya ni kulukiwa ka mazoho a sikwala sa muluki, kono sani—sani ne si si ka. . . sani ha ki sona sa Na bulela ka sona. Fa kuli palisa ihule, ina ni kusebeza mwahala musihali ni busihu. Ki sikamañi se mubata kutaha kusona kwanu kwa mafelelezo a mukwakwa? Haiba nji ya lukile upiliswa katata, kana muezalibi (yo ki ya sa lumeli) ni yasa zibi za bulapeli, mutu ya utwa Linzwi kono inza hana kuzamaya ku Lona? Cwale ki sikamañi se luka eza luna? Mwabona? Cwale sani. . .

⁸⁴ Se kikuli, cwale, ye ki keleke ya luna. Luna ni baenyi babane kamba ba baketalizoho mwahala luna. Kono ye ki yona keleke, Na mi luta. Se siya nifa matepu. Ni bata batu baba teezeza kwa matepu aa, muhupule, se ki sa keleke yaka. Kwande mwahala sicaba sa kwabuse kafoo, hamulika kuba ni buhali nyana ku

ba bulelela kuli, bapile mwa sibaka mo ba ka pila ni mihupulo ya kubatisisa lika ka bunyinyani. Kono cwale ha li taha kwa kutomahanya Niti hande, ha lu I beyeni hande ka swanelo.

⁸⁵ Kuañuliwa, kutomiwa hande! Kikai fo bainzi? Mu ni bonise fo ba inzi. Mulimu ubizeza bana ba Hae kwatuko ka kuiponahaza. Haba lukeli kubulela linzwi ni lelikana ka zona, mwabona kuli kuna ni se si ezahalile. Ka swanelo ubeya hande mwana Hae, ku mu beya hande mwa sikuka ona cwalo ka swanelo ni lika ze swana. Una—una ni fela zamaiso yetuna, linzwi la hae liswana fela mane inge la Nduna ya mangeloi, ki lelinde. Mwana na añulwa cwalo, abeiwa fa sibaka sesi lumbile, aina kwande kwani, a cincywa liapalo za hae, acinca mibala ya hae. Ndate nabanga ni mukiti, ali, “Yo ki mwana ke, kuzwa kacenu kuya kwapili ki mubusisi. Ki nduna. U fahalimwa buswa bwaka kaufela. Kaufela ze Ni luwile ki za hae.” Yeo ki niti. Kona kuli lwakona kukutela ku ze swana, Elah, Elah, Elohim, Elohim, mwabona, ko Yena ali ya ipupile iliyena. Mi ni kukuta hape ku Jehova Yena yana bupile sika, Na file mutu mata a kubusa lifasi. Ki sikamañi se lu libelela? Liponahazo. Lifasi lisweli la tonga. Halu apule fateni mi lubale fateni. Ku lukile.

...kuañuliwa...kwa kuba bana ka...yena, ka ku lata kwa Hae Luli,

Ku lumbw-...kanya ya sishemo sa hae,...

⁸⁶ Sishemo sa Hae ki sifi? Kwa mulaho kafoo, fani Ha na si Ndate; sishemo sa Hae, lilato la Hae, aikeza Iliyena kuba mwana, kuli lukone kuañuliwa kuba bana, kuli kulumbwe sishemo sa Hae. Mwabona?

...ili ko alu amuhezi kuya ka—ka (yena Mutu) mulatiwa, ili yena Kreste.

⁸⁷ U lu amuhezi cwani? Ka Yena. Kana lukena cwani ku Yena? Ka Moya ulimuñwi, luna kaufela lu kolobelizwe ku Yena. Muteeleze.

Ku yena yelu li uluzwi, lu liuluzwi (ka) mali a hae, swalelo ya l-i-b-i...

⁸⁸ Kana mukona kukutaza cwani kulemuhiwa cimo, kwa kulukisezwa kale kwa Mulimu ni kuina, konji haiba kuna ni sibi kokuñwi? Kiñi hakuli cwalo? Zazi ni zazi mwabanga ni mafosisa, zazi ni zazi mwa fosanga. Kono haiba mu pepilwe sinca, muuna kamba musali, mu sa eza fela mafosisa, Mulimu uziba kuli muswabile ka zona. Nemuka yema fapila kubateni kwa—kwa Mueteleli Roosevelt kamba mutu usili fela, ni kubulela kuli, “Ni fosize, Mulimu ani swalele ka nto ye.” Kiñi? Mi yani kona swalelo yetaha ka Mali...

⁸⁹ Mwa lemuha zeo “l-i-b-i.” Muezalibi ki muezalibi, yena haezi libi. Kono haili keleke yona yaezanga libi, ya fosanga, yabanga ni mulelo o maswe, mubonelo o maswe, yabanga

ni kukakanya, ni kutantalika inge mwana yomunyinyani ya zamaya, ya lika kuzamaya. Yena fela ha si ka zibeleda kale kuzamaya hande, kakuli ki mushimani yomunyinyani fela. Kono luna ni Lizoho leli lu potela haiba luwa. . . la lu nanula ni ku lu kuzisa hande, ni kuli, “Eza muhato o neku *le*, mwana ke.” Ha lu nanuli ni ku lu nataka kakuli kuti luezize mafosisa, Ha lu nataki kuisa lifu halu lika kuzamaya. Wa lu lata sina mo lu latela bana ba luna.

⁹⁰ Kalibe wa luli, kalibe wa luli hakoni kushapa mwana hae halika ku zamaya, haiba uwela fafasi. Uka inama ni ku otolola lizoho lelitiile le lituna ni ku munanula, uswala mazoho amabeli ni ku mu swala, uli, “Cwana kona mo lukela kueziza, mwana ke. Zamaya sina *cwana*.”

⁹¹ Cwalo kona Mulimu mwa ezezanga Keleke ya Hae! Wa shetumuka mi wa otolola mazoho a hae ni ku i nanula ka lizoho la Hae, u munanula ni kubulela kuli, “Zamaya sina *cwana*, mwana ke. Cwana, usike—usike—usike wa bulela lika cwalo, ubulelange sina *Cwana*. Cwale, Hanina taba ka se ibulela keleke, se si bulelwa ki *se*, se si bulelwa ki *sani*, u bulelange sina *Cwana*. Sina *Cwana*, se ki Sona! Haiba Linzwi la Ka la Li kutaza, upile hande ni Lona, uzamaye ni Lona. Upile hande ni Lona. Usike wa bilaela ka za bulela mutu usili, upile hande ni Lona. Uzamaye sina *Cwana*. Cwana kona mo lukela kuhatela mihato ya hao.”

⁹² Libi zaluna; swalelo ya lilato ya libi za luna, kusi cwalo nelusike kuba ni kolo. Mo lukona kuinelela fela fa Manzwi ao!

. . . ka buñata bwa sishemo sa hae;

Sa lu—lu file ka buñata . . .

⁹³ Ki sifi “sifumu”? Oh, mawi! Ko A lu *fumisize*, “libunda tuna la zona.”

. . . sa lufile ka buñata bo butezi mwa butali kaufela ni kutwisiso;

⁹⁴ “Kutwisiso, butali kaufela Sa lu file.” Ka “butali,” kaufela isi bwa lifasi. Butali bwa lifasi ki butanya ku Yena, mi butali bwa Mulimu ki butanya kwa lifasi. Kuswana fela sina musihali ni busihu, se ha si lumelelani ni sesiñwi. Kono cwale lizazi halikala kupazula ni musihali wa taha, busihu bwa hasana kuzwa mwa sibaka ni sibaka. Mi cwale Liseli la Evangeli halikala kutaha mwatani, lika za lifasi kaufela li kala fela kutima. Mi cwale lieza sikamañi? U atisa liseli la Lizali fa bana ba Hae, baba zamaya mwa Moya, baba zamaiswa ka Moya wa Mulimu, banze ba fumela mwa sishemo sa Hae, ka kutwisiso kaufela ni butali, kutwisiso, ni butali bwa kuziba mwa ku zamaela. Mwabona kuli ku fosahalile, konakuli mu tokomele ze mueza, kwa kubela. . . Haiba ku fosahala, mu tokomele neba mo mu atumelela kwatani. Ka kutwisiso! Mube luli fakaufi, luli baba ziba mwa ku li atumelela. Mutalife sina linoha, babasina buhali sina nkwilimba. Seo kona sa ba bulezi Jesu.

⁹⁵ Oh, ze ki litaba zende, balikani! Lwakona kuinelela ku zona zazi ni zazi. Kana ha ki zende nji? Kutwisiso, butali, U lu atiselize, ku li sulula! Ha si ka lufa luswana lo lutezi, kono ungile focolo yetuna yetezi inza zwelapili kuyumba ona cwalo. Za lu file, butali ka kutwisiso ya sishemo sa Hae! Oh, sishemo se si komokisa, ha ki muhuwo kwa munati!

Cwale, lufilwe ka buñata bo butezi mwa butali kaufela ni kutwisiso . . . butali;

U lu zibisize sa na patile sa tato ya hae, . . .

⁹⁶ U bulela ku bomañi? Likopano? Shangwe, mizwale baka, musike mwa hupula kuli Ni sweli kutotobezwa kopano ya mina, Ha ni ezi cwalo. Ni lika ku mi bulelela kuli ne li fosahalile ka kukala. Jesu naize, “Muye mu kutaze Evangeli,” luna lwayo panga likopano. Kona libaka ha lu sina Sona, lu zamaya ka butali bwa mutu. Haiba Kalvini neika zuha!

⁹⁷ Kiñi, Ne ni yemi ha ki kale hahulu fa libita la muuna yomutuna, muongaongi yomutuna. Mi Na hupula, ha ki mutu kwa butuna mwa na inezi! Nali yena luli! Kihande, ki . . . Hanina kuba . . . Neli John Wesley. Mi Na hupula kuli, haiba John Wesley na ka zuha mwa libita le kacenu ni kubona buino bwa keleke ya hae, na ka swabela libizo la hae. John Wesley nali muuna wa bumulimu, mutu yatezi fela mulilo, sina mwa na li bizeza. John Wesley neli muuna ya kenile yana lumela ku Mulimu, mi a zamaya muhato ni muhato mwa mulaho wa Hae. Kono kasamulaho wa John kushwa, se bali, “Luka yaha keleke ku John kuli lube ni keleke, mi luka ibiza kuli ki keleke ya Methodist kakuli bakeñisa mukwa wa kukeniswa kwa hae kakuba musebezi wa bubeli wa sishemo.”

⁹⁸ Mi ba eza keleke, mi kacenu baana ba keleke bani ba latula lika kaufela zeo John Wesley na yemezi. John Wesley na kutsalize foliso ya Bumulimu. John Wesley na lumela mwa kolobezo ya Moya. John Wesley na lumela mwa kukutisezwa kwa limpo. John Wesley, Martin Luther, buñata bwa baana babatuna neba bulela ka malimi ni ku atoloka. Mi, kacenu, ha ne mu ka bulela ka malimi mwa keleke ya Methodist kamba keleke yaba Lutheran, ne ba ka mi lahela kwande. Ki butata mañi? Kukena mwa nako ko lu lukela kutomahanyiwa kakuba bana, ki butata mañi? Ba ikungezi nto isili sa kuyolisa, kakuli haba zibi kunutu ya Mulimu. Mi habakoni ku Li ziba kufitela mwa mukopano wa bulapeli!

⁹⁹ Halu boneni ni mi balele fela se. Kana ku lukile? Ku lukile. Ha lu apuleni, Nina ni se si ñozwi fafasi fa. Halu batisiseñi ka mo Paulusi . . . Cwale, kiyo, kiyo muluti wa Liñusa le. Halu yeni mwa Likezo 9:5, fa muzuzu fela. Muteeleze ka mo Paulusi na amuhezi Sinulo ye, kaufela sene si ezahalile. Cwale, mwa Likezo 9 lukale kubala, sina cwana. Se ki sitopa sa sikolo sa la Sunda,

kacwalo kiñi—kiñi halusike lwa bala? Mu ni zibise ha Ni zwile mwa...?...

Kono Saule, na sa tukufalezwi kufumbela... (Oh, Mujuda yani yomunyinyani wa ngo yesikami, wa kacima-cima, ya situhu!)... ni kubulaya balutiwa ba Malena, aya ku muprisita yomutuna,

Akupa kuyena mañolo akuya ni ona mwa ma sinagoge a kwa Damaseka, kuli akayo fumana babañwi... .

¹⁰⁰ “Ni yo ba bata bata! Haiba Ni kona fela ku ba fumana, mushimani, se Ni ka eza ku bona! Mwabona, haiba Ni kona kuba fumana!” Kono na lukiselizwe kale isali ka simuluho!

¹⁰¹ Kana muziba cwani kuli mulekisi wa bucwala yani kwa njetumuko kwani ha si ka lemuhelwa kwa Bupilo? Kana muziba cwani muyambaeli wa mwa mukwakwa yani ye mu palelwa kubulelisa, kana muziba cwani kuli kuswalana mwa mazoho kokunyinyani ni ku mumema kwa keleke hakuna ku muezha kuba ya kenile wa Mulimu, kabuse mwa Kanya? Kanti... Kana muziba cwani kuli ha yo cwalo? Zani kona ze lu sa zibangi. Kono wo kona musebezi wa luna. Sina muyambi ha cimbeka kanyandi mwa liwate ni kukala kuyambula, u cimbula limbotwe, litapi, mikolozwani, mauwi a mwa mezi, ni lika zeñwi kaufela, kono zeñwi mwateni ki litapi. Na sa zibi, na cimbekile fela kanyandi. Seo kona se lueza. Mutalimele Paulusi.

... atukufalelwa kuisa mañolo Damaseka mwa masinagoge, kuli ha na ka yo fumana ba nzila ye, kamba babe baana kamba basali, aba tame ni kubatisa kwa Jerusalema. (Muzwale, nali ya buhali luli!)

Mi ha na ya cwalo, a atumela Damaseka: mi hañi hañi kwa benya liseli fapila hae... .

¹⁰² Kwa taha muprisita fa mukwakwa, Dokota F. F. Jones, mi ali ku yena, “U tokwa kuba—kuba ni kutwisiso ya mukopano wa bulapeli cwale, mwana tuwe, mi Na lumela Mulimu wakona kuitusisa wena?” Kana leo halikoni kuba Liñolo le li sabisa, kubala cwalo? Cwale, foo kona zibo fo ifelela... Ha ni buleli cwalo ka lisheha. Zeo ki, luna, yeo kwateni kona fela ngana yelu ipumanela kacenu. “Wa ziba, bomaho neli basali babande, Ni lumela kuli ukaba mukutazi yomunde.” Mutalime sene siezahalile.

Mi hana—mi hana nza ya cwalo, a atumela Damaseka: mi hañi hañi liseli lato benya fapila hae, liseli... (whew, kukala fela ni zabumulimu)... liseli le li zwa kwa lihalimu:

Mi awela fafasi, a utwa linzwi lelili... Saule, Saule, kiñi so ni nyandiseza?

Mi ki hali, Ki wena mañi, Mulena? Mi Mulena ali ku yena, Kina Jesu yo sweli kunyandisa: mi ha ku konahali ku ulahake kwa miwayo.

Ki ha saba hahulu ni ku komoka mi ali, Mulena, ubata kuli ni eze. . . sikamañi? Mi Mulena ali ku yena, Zuha, mi ukene mwa munzi, mi uka bulelelwa so ka eza.

103 Mi baana ba funduka ni yena, ni kuzwelapili, mi ba yo fumana muuna cwana. Ananiasi, kulo kwani, ya na boni pono. Kaufela ki zabumulimu fela! Mi Saule wa kale, yena mucaha ya situhu yani! Ananiasi yo naboni poho, atalimela mwa ndu ya hae. Nali mupolofita, mwa ndu ya hae inza lapela, mi abona pono. Kiha. . . Mulena abulela ku yena ali, “Kuna ni muuna ya taha usali mwa musipili kwahule, ki sibofu inge sikampafwa, mi libizo la hae ki Saule, ki Saule wa kwa Taresusi.”

104 Ki hali, “Mulena, Ni utwile lika ze ñata. Usike wa ni luma, Na ni muuna yomunyinyani. Usike wa ni luma ku yena.”

105 Ki hali, “Kono, bona, fa musipili wa hae, Ni mu bonisize pono. Ni bonahalile ku yena mwa Siita sa Mulilo. Ni mu natile kuba sibofu mwa kona kubela. Mi Ni mu foufalize ni ku mu lubaka Ni si ka eza kale sesiñwi ku yena. Mwabona, Ni pazauzi tuto ya hae ya bulapeli kaufela. Mwa ziba, nali—nali—nali muuna yomutuna wa iliñwi ya likeleke zani kwani. Nana ni mifuta ya madigiri kaufela, na sa lukeli kulukisa sikamañi kaufela, kono,” Ali, “se Ni ezize ki ku lizwisa kuyena kaufela zona.”

106 Yani neli taba luli. Ne si kulonga zeñata ku yena, kono neli kuzwisa zeli ku yena. Ni sepa kuli bwani kona butata bobuli ni baituti babañata baluna ba za bulapeli kacenu; ki kuzwisa ku mina, ili kuli Mulimu abeye kubona Moya o Kenile. Kuzwisa! Ki fo, abulela kuli na. . .

107 Mi ki hali, “Mulena, kono yo—yo—yo muuna kwateni ki ya sabisa.”

108 Mi ali, “Kono, bona, wa lapela. Cwale, u yo kena mwa nzila yeñwi mi uka fita fa liweluwelu. U fite kwa nzohoto ya liweluwelu leo, mi u shetumuke. Kukaba ndu yesweu, u kambame teñi mi ungongote fa sikwalo. Ulobezi mwani mwa muyaho, kona ko ne bailo mu fumana. U mubeye mazoho, u muisse kwa nuka ya Damaseka mi umu kolobeze ka Libizo la Jesu. Kakuli, Ni ku bulelela se Ni ka eza, ukaba ni kunyanda ka lika zeñata bakeñisa Ka, kakuli ki mulumiwa wa Ka ku Bamacaba.” Amen!

109 “Kihande, cwale, libelela fa muzuzu, Mulena! Cwale, ki sikolo mañi se Ni lukela kubuza?” Ni ka ku bulelela zeo halueze, halu baleni Magalata mi lu bone. Ki yona yetatama fela—ki kauhanyo yetatama kwa mulaho. Halu fumaneñi Magalata 1, ni kulalela fa timana ya 10, mi halu boneñi sikolo sa naile ku sona Paulusi, ki mukopano mañi wa bulapeli, ni kuli ki

mazoho a mañi ana mu sweli, mi, oh, kaufela ze nengile sibaka. Magalata kauhanyo ya 1. Kuli lubuluke nako, ha lu kaleleni ka za kufetulwa kwa hae, timana yabu 10.

Cwale se Ni bata ki kuli babani ni kolwa ibe batu, kamba Mulimu? kana Ni bata batu ku ni katelwa? kabe Ni sa bata batu ku ni katelwa, kabe ha Ni mutanga wa Kreste.

110 Oh, mawi, mawi, mawi! Mwendi Ni bulele fela ntio nyana lusika fita kale fa. Magalata 1, amunge kauhanyo ya 8. Ki babakai baba ziba kuli Paulusi neli yena ya na ezize kuli sicaba sani si kolobezwe hape ka Libizo la Jesu, Likezo 19? Luli neli cwalo. Ha lu ngeni fahalimu nyana fa, yabu 8—yabu 8.

...kanti mutu nihane kaba luna, kamba lingeloi lelizwa kwa lihalimu, ha ka mi luta evangeli isili ku ye lu mi lutile, yo abe anatema.

111 Ki kai ko ungile Evangeli ye, Paulusi? Timana yabu 9.

...mo ni se ni bulelezi, cwale Ni sa bulela hape, mutu ha ka mi kutaza evangeli isili ku ye mu amu utwile, ye muahezi, yo abe anatema.

112 Haiba ki lingheloi lelituna, haiba ki bishopu, haiba ki mutoneli yomutuna, haiba ki Dokota wa *Kuli-ni-kuli*, yo ali yena kaufela, haiba ha kutazi kolobezo ya mezi ka Libizo la Jesu Kreste, kolobezo ya Moya o Kenile, ha sa kutazi kukutisezwa kwa limpo, Kutaha kwa Kreste, ona lika ze kaufela, yo abe anatema! Haiba ulika kunga leliñwi la Linzwi le mo ni kubulela kuli neli la lizazi liseli ni kulibea fa mulelo omunca o luitutile kwa mukopano wa bulapeli omuñwi, yo abe anatema!

113 Halu baleni kuzwelapili fapata, luboneñi Paulusi mwa na fitezi fateni, lubone mukwa, se Ni lika kubulela ku mina kakusasana cwana.

Cwale se Ni bata ki kuli babani ni kolwa ibe batu, kamba Mulimu? kana Ni bata batu ku ni katelwa? kabe Ni sa bata batu ku ni katelwa, kabe ha Ni mutanga wa Kreste.

114 Ni kona kukulubela cwani sika kaufela, kana kukonahala cwani kuli mutu ya lata Mulimu, ni mukutazi, sihulu, akulubele kueza sika kaufela mi atoiwe ki sicaba? Batu ba ka mitoya. Kihande, se bali . . . Jesu naize, “Mbali babiza Na, Muña ndu . . . Kina Muñi, yomutuna ku mina kaufela. Kina Yakona kueza limakazo kaufela ni kueza zetuna ka Moya o Kenile kufita mina kaufela, kakuli Nina ni mutalelela kaufela wa ku Na. Mi haiba ba Ni bizize kuli ‘Baalezebubi,’ kana mina baka mi biza cwalo kufita kai? Kono,” ali, “musike mwa itukiseza ze mu ka bulela, kakuli haina kuba mina baba bulela, ikaba Ndate ya pila ku mina, yabulela ka nako yeo. Mupile fela hande ni Linzwi.” Mi Yena, ha Na sa felize kuñola Buka, Abulela kuli, “Mutu

ufi kaufela ya ka zwise Linzwi lililiñwi mwa Buka ye kamba kueleza leliñwi ku Yona, ni yena kuka zwiswa siemba sa hae mwa Buka ya Bupilo, ku yena.” Mulimu alutuse kuina hande ni Lona!

¹¹⁵ Cwale timana yetatama, halubone ni bale cwale, lubale kapili cwale.

Kono Ni paka . . . Fo, ki ku mi kenya mwa katulo. Ni mi pakela, mizwale, kuli evangeli ye kutalizwe ki na ha ki kuya ka mutu.

Cwale, Na hani wa Methodist, wa Baptist, wa Presbyterian, kamba wa Pentekota; nesi ka kuya ka mutu. Kamba . . .

Kakuli Ha ni si ka ifiwa ki mutu, kamba nihaiba kuli ni ilutwe ki, . . .

¹¹⁶ “Ne ni si ka ifiwa ki mutu, ne si mwa mukopano wa bulapeli, ne si ku dokota, ne si ku za bumulimu, ne si mwa sikolo sa lituto. Ne ni si ka iamuhela ka nzila yeo, Ha ni si ka iluta ka nzila yeo, Ha ni si kaifumana ka nzila yeo, ha isika taha kuna ka nzila yeo.” Cwale neitile cwani he, Paulusi?

. . . na ilutile, ka sinulo ya Jesu Kreste.

¹¹⁷ “Mi Kreste hana Ipatuluzi ili Yena ku na, kuli Nali yena Mwana Mulimu, fani Siita sa Mulilo sani ha si ni tahela ka lizazi lani, Se nili, ‘Ki Wena mañi, Mulena?’ Ki hali, ‘Kina Jesu.’”

¹¹⁸ Cwale, Ni ka mi bonsa sene—sene si ezahalile ku yena. Cwale, ona fa haiba kuna ni yana ni kutwisiso, neba kaabela ku mufa myaha ye lishumi ya kuituta Sigerike, ni myaha yeñwi ye lishumi hape ya kuituta nto isili, mi ka nako yani u icongile. Mutalimele.

. . . kakuli ha ni si ka iinga ku mutu, kamba ku I lutwa ki mutu, kono ki ka ku patululelwa ki Jesu Kreste.

Kakuli mu utwile mukwa wa ka wapili ha ni sa li mwa tuto ya Sijuda, . . .

¹¹⁹ “Nenili dokota yomutuna, mushimani. Nenili ni zona.” Na lutilwe mwatasa Gamaliele, muluti yomutuna kufitisisa ku bene banani mwa naha. Ki babakai ba baziba kuli Gamaliele neli alimuñwi wa babatuna, baluti babatuna kufitisisa? Eeni, sha. “Tuto ya Sijuda, mushimani, Ne ni nani zona hande; Ne ni ziba kaufela mwa kubulelela Tumelo ya Baapositola ni lika zeñwi zani, mwa bona. Ne ni ziba mwa ku bulelela litapelo za kupeta za kakusasana ni kufuyola sicaba.” Mwabona?

. . . ni mo ne Ni nyandiseza maswe keleke ya Mulimu, ni ku ishandaula: Mo ne Ni likezi katata kutuhelisa sikwata sa bapikuluhni babakenile bani! Mwabona? Mwabona?

Mi Ne ni siile litaka za ka mwa tuto ya Sijuda. . .

¹²⁰ “Nenili muuna yomutuna. Mushimani, Na luli. . . Ne ni fitelezi, Ne ni ba bonisize kuli Ne ni ba hatelela kaufela bona,

kakuli Ne ni bulaile Setefani ni lika zeñwi zeñata ze Ni ezize. Mwabona mo Ne ni ezelize!” Kuli mane ka kufitelela tikanyo a nyandisa!

Ne ni siyela kwahule litaka zaka mwa tuto ya Sijuda fahalimwa litaka za ka zeñata mwa naha ya hesu, kakuba ni ciseho yetuna hahulu mwa sizo sa bashemi ba bona.

¹²¹ Cwale, muhupule, ne si Linzwi la Mulimu, “sizo sa bashemi,” sizo sa keleke, ka manzwi asili. “Na sepa Nenili mu Methodist ya feleza mukwazo, Nenili mu Baptist ya feleza mukwazo, Nenili mu Pentekota ya feleza mukwazo.” Oh, u cwalo? Ni bata kuba Mulimu yafeleza mukwazo. Eehe, kona cwalo. Mwabona? Ku lukile.

. . . mikwa ya bokuku aluna ba kale.

Kono ha ne si tabisize Mulimu, . . . (oh, oh, Paulusi, ki fo wataha) . . . yana ni kauhanyize kuzwa mwa mba ya boma, mi yana ni tisize mwa lifasi mo, ni kubiza ka sishemo sa hae,

kuli apatulule Mwana hae kuna, . . .

¹²² Kana seo siwani? “Moya o Kenile u kuna! Ne si tabisize Mulimu kuli ani kete, yana ni kauhanyize mwa mba ya boma, ni kunifa Mwana, ili ona Moya o Kenile mwa buino bwa Moya, ku na, kuli Aipatulule iliyena kuna.” Oh, mawi! Whew! Na—Na—Na lumela Ni bata kuhuwa nyana.

¹²³ Mutalime, halubone ni ku bulelele, muzwale. Hane si tabisize Mulimu! Oh, haleluya! Hane si tabisize Mulimu! Ndate wa cakolwa. Ni me . . . Mulimu ami fuyole, ima, Hakuna se ni bulela ku mi nyaza. Kono me yanasina sa ziba ka Mulimu inge shakame mo isa zibeli makatulo a mwa litwa. Ni ndate yana lobala inza kozwi mwa mikwakwa. Mane kusina nihaiba makatulo a kutina fa kuya kwa sikolo, ni milili inge inyendaela mwa mulala waka, ni mañi ni mañi na ni toile kakuli Neni li mu Kentuckian wa kwanu kwa Indiana. Mi ni kuli, oh, mo ne ibezi fela nto ye tuna cwalo. Kono ne si tabisize Mulimu! Amen! Ne si tabisize Mulimu, Ya na ni kauhanyize mwa mba ya boma, kuli A patulule Mwana Hae ku na, ka kueza mukutazi wa Linzwi, ya ka ina hande ka Lona, yana ka bonisa lipono ni lisupo ni zekomokisa ni limakazo. Mi, oh, mawi!

¹²⁴ Mwabona sa Na bulela fateni? Ne si tabisize Mulimu kueza cwalo? Cwani? Muteeleze hande. “Kupa- . . .” Munge timana ya 16 cwale.

Kupatululela mo ku na Mwana hae, kuli Ni yo ba mbuleli kwa bahadeni; honafo ha Ni si ka elezana ni keleke:

¹²⁵ “Nali kuba ni ye ku bishopu ufi kaufela ku yo mu buza se Ni lukela kueza. Ne ni si ka ya ku za nama ni mali, likopano lifi

kaufela kamba sika sifi kaufela. Ne ni sina ni sesikana sa kueza ni zona. Ne ni si ka elezana ni nama ni mali. Mane Ne ni sikaya nihaiba kwa Jerusalema kwa baprisita ba babatuna ni bashemi ba bakenile, ni bani kaufela, ni kubulela kuli, 'Cwale, mwa ziba, Ne ni na ni pono, ki sikamañi se Ni lukela kueza ka yona? Ni boni Mulena Jesu ya fuyozwi mwa pono.' Neba kali, 'Aku zwe fa, wena! Ki . . . Wena u mupikuluhi ya kenile! Kihande, ki sikamañi se si ezahalile ku wena?' Batili, Ni nani madigiri abona kwani kaufela ka kukala. Ninani . . ."

¹²⁶ Mi Paulusi ubulezi mo, Na kona ku mi bonisa Liñolo, mwa na bulezi kuli na libezi lika kaufela za na itutile, ni kulitalima kuli halina tuso, kuli akone kuziba Kreste. Oh!

Mi ha Ni si ka kambamela kwa Jerusalema ku babane bali ba apositola pili kuna; kono Na ikela mwa Arabia, ki ha ni kutela hape kwa Damaseka.

Kwapili hakufitile myaha yemilalu Na kambamela kwa Jerusalema ku yo zibana ni Pitrosi, mi naina ku yena mazazi amashumi ka aketalizoho.

¹²⁷ Mi halunze lubala kuya fapili cwalo, lu fumana kuli yena ni muapostola Pitrosi neba si ka bonana kale fateni mwa bupilo, bali kuba na zibane fateni, bali kuba ba bonane fateni, kono ha ba to taha hamoho ne ba kutaza Evangeli yesana. Mulimu una ni sikolo. Mwabona? Eehe!

¹²⁸ Ki yo fa Pitrosi, ayema ka Lizazi la Pentekota, ali, "Mubake, mañi ni mañi wa mina, mi mukolobezwe ka Libizo la Jesu Kreste, kwa swalelo ya libi za mina, muka amuhela mpo ya Moya o Kenile."

¹²⁹ Filipi ali, "Oh, ha ki nto kwa kanya! Nina ni kueza nto yeñwi nina. Kwani kwa . . . Ni na ni pizo ya kuya kwa Samaria." Aya teñi kwani ku yo paka mwa mikwakwa. Nto yapili, mutu ya kula ataha, amubeya mazoho, mi akala kutulaka ni kucuñuta. Ali, "Kanya ku Mulimu, ki luna ba fa!" Akala kuba ni mukopano omutuna. Mi ali, "Mina kaufela mutokwa Moya o Kenile." Ki hali, "Se mulukela kueza, mu lukela ku kolobezwa ka Libizo la Jesu." Kacwalo a banga, mañi ni mañi, kwande kwani ni ku ba kolobezwa kaufela ka Libizo la Jesu. Ali, "Taha kwanu, Pitrosi, ba beye mazoho bao cwale." Mi ba amuhela Moya o Kenile.

Pitrosi, fahalimu a ndu ya Kornele, neli nto yeswana.

¹³⁰ Paulusi na si ka mubona kale mane fateni kamba nihaiba ku mu utwa. Kono a pazula manaha a lumbile a Efese, mi afumana balutiwa babañwi kwani. Afumana mukutazi wa Baptist, na li, Apollos, munituti wa mulao yana sa bakile, yabutali, ya itutile, inza shimba Testamente ya Kale ni ku bonahalisa ka Yona Jesu kuli nali Mwana Mulimu. Eeni, sha, nali mutu ya talifile. Mi ne ba huwaka, nebana ni tabo. Bibebe ibulezi ona cwalo. Mubale likauhanyo za 18 ni 19 za Likezo mi mubone haina ha ku cwalo. Nebana ni tabo, neba binela mwa Moya, ni kumata mata kafa ni

kafa, mwa ziba. Paulusi ali, “Kono kikuli mu amuhezi Moya o Kenile kuzwa nako ye mulumela?”

¹³¹ Mi ku mina mizwale ba Baptist babalika kutabaka zeo fa milala ya batu, ni kubulela kuli Sigerike sa makalelo sili, “Kana muamuhezi Moya o Kenile kuzwa, kamba *hane* mu lumezi?” Na mi swabisa kuli mu ni tiseze Mugerike! Nina ni Sigerike sa makalelo nina fa. Mane hape nina ni si Aramaic, ni si Heberu, hape. Yeñwi ya zona kaufela ibulela kuli, “Kikuli mu amuhezi Moya o Kenile *nako* ye mulumela?”

¹³² Mu pilisizwe ka sishemo, yeo ki tumelo ya mina ku Mulimu. Mali ami buluka babakenile kwa sibi, kakuli apanga sitabelo. Mali ha mi pilisi, Mali ami beya ba bakenile. Muka bulela cwani kuli mu pilisizwe? Ka tumelo mu pilisizwe, ni kuli ki ka kuziba kwa Mulimu kwa makalelo, a mi biza. Mu pilisizwe, mi Mali amifa swalelo, katundamo inza mi kenisa. Mi cwale ka Moya ulimuñwi mu kolobelizwe mwa Moya o Kenile, mwa kopano ya balumeli, mi ni mwa kopano ya Moya o Kenile, kuli mu zamaiswe ka Moya, kuezwa lisupo, ze komokisa.

¹³³ Mulibelele, lwa taha, lu libelela nto yeñwi, hanyinyani fela luka fita fateni, ni sepa kuli lwaba cwalo niteñi. Ni mi bulelezi kuli mu ni bize ka nako ye, nji cwani? Ku bonahalile fela cwalo ha Ni talimezi fateni. Fela ki—fela ki linzwi kamba amabeli kihona. Fela ki . . . Ki—ki hanyinyani fela.

¹³⁴ Kana puluso ye ikanga nako yekuma kai, yetelele cwani? Ki puluso ya mufuta mañi? Kuzwa kwa keleke kuya kwa keleke? Kuzwa . . . Halu apuleni mwa Maheberu 9:11, fa muzuzu fela, fela—fela kuli lubone butelele bwatani, mwa mizuzu fela. Mu apule mwa Buka ya Maheberu mi luboneñi—luboneñi butelele bwa puluso ye kuli buisa kai. Lubone mufuta wa puluso yatani. Halu baleni cwale Maheberu 9:11.

Kono Kreste utahile ili muprisita yomutuna wa lika zene ze sa taha, ufitile fahali a tabernakele, yefita yani kwa butuna ni kwa kupetahala, ki kuli, . . . (cwale yo ki muluti yaswana, Paulusi, mwabona) . . . ye si ku zebupilwe za muyaho . . . muyaho wo;

Ha ki ka mali a lipuli kamba a lipoho, kono ki ka mali a hae ukeni hañwi (ki hakai shangwe? Hañwi!) mwa sibaka se sikenile, ha lu fumanezi. . . (puluso ya mwa sunda kipeto, puluso kuisa kwa ancafazo yetatama? Ki ya mufuta mañi?) . . . puluso ya kuyakuile.

¹³⁵ Ki linzwi lifi leo “Kuyakuile” litalusañi? Ku Kreste, kasamulaho Ni mano lumela. . . Hakuna mutu yakona kubiza Jesu kuli ki, “Kreste,” konji fela ka Moya o Kenile. Kabakaleo kuna ni likwata zetalu za batu: babasa lumeli, baba likanyisa kulumela, ni balumeli. Kono bona baba lumela kuya kwa Bupilo Bobusafeli, ba se bakeni mwa libaka za mwahali.

¹³⁶ Kunga tabernakele ya kale, neli sikamañi sapili sene ba ezize? Neba keni mwa libaka za mwahali, Bamacaba. Se sitatama neli aletare ya sipi, kone ba tapisezanga sitabelo mwa sikotolo sa gauda. Yetatama neli kubulaiwa kwa sitabelo, ni kuhasaka kwa mali fa katala. Mi, hañwi ka mwaha, Aruni na tozanga, oh, (ka sikamañi?) ka sende ya Palisa ya Sharoni, ni oli yende yena ni sende ku yona, ne ba iselanga fa toho ya hae, haisuluha neli ku yo fitanga ni kwa mungundo wa sapalo sa hae. Mutalime muuna yo mwa na yelanga kwa mulaho wa masila ani, hañwi ka mwaha, inza lwezi mali a kuisa kwa Sipula sa Sishemo. Mi na kenanga ni mulamu wa hae mwateni hañwi ka mwaha ni ku yo ulibalela mwateni. Ha ne ba yo ubatanga, ne se utubuzi lipalisa. Kota ya kale wa na zamaelanga mwendi ka myaha ye mashumi amane kuzwa mwa lihalaupa, hauina mwa Sibaka se Sikenile sani! Mutalime, hane ba yanga ni mali a bulikani ani, neli mali, na tozizwe. Mi nana ni liapalo ze ne tamelezwi milangu kwa mingundo, mihala ni mulango. Mi muuna yani na kenanga mwahali ka mukwa o cwalo nako ni nako ha na zamaisa lihutu la hae, ni kushenya sina *cwana* kuli ahate, ne ilila kuli “Uyakenile, uyakenile, uyakenile, wena Mulena. Uyakenile, uyakenile, uyakenile, wena Mulena. Uyakenile, uyakenile, uyakenile, wena Mulena.” Oh, mawi!

¹³⁷ Ki sikamañi se Ni bulela? Mu Si utwe, ba Branham Tabernacle! Mubile ni kolo ya mina. Mutu ha sa tozizwe hañwi ka Moya o Kenile, kuli a añuliwe mwa lubasi lwa Mulimu, kuli atomahanyiwe ka swanelo ya Ndate, ni kuina mwa sebeleza kwanu, mwa mulelo wa hae wa bupilo, kamba seo Mulimu a mu bizelize, muzamao wa hae uswanela kuba kuli “Uyakenile, uyakenile, uyakenile, wena Mulena. Uyakenile, uyakenile, uyakenile!”

“Oh, mu lukela kusikuluhela *kwatuko* ni kuba . . .”

“Uyakenile, uyakenile, uyakenile, wena Mulena.”

“Oh, mu lukela kulumela kaufela ze ba bulezi babahulu, *cwalo*.”

¹³⁸ Kono, “Uyakenile, uyakenile, uyakenile, wena Mulena.” Mutuhele kuli Linzwi la Hae libe lapili, ha Li be lika kaufela mwahala lika zeliteni, linwele, liinelele mwa lipilu za mina! Muzamao wa mina uswanela kuba wa Linzwi. “Uyakenile, uyakenile, uyakenile, wena Mulena.”

¹³⁹ “Oh, kambe no ka taha fela kwanu! Ne ni ka ku bulelela sa kuezwa, luka onga onga, lu ka kubeya mwa kopano ya luna, ukaba muuna yomutuna.”

¹⁴⁰ “Uyakenile, uyakenile, uyakenile, wena Mulena. Uyakenile, uyakenile, uyakenile, wena Mulena,” haunzo zamaya cwalo. Hakuna taba kamba mtu ubulela sikamañi!

¹⁴¹ “Ka kubiza matepu aa! Eza se, eza se, eza *sani*, eza *sani*, ni *sesiñwi*.”

142 “Uyakenile, uyakenile, uyakenile, wena Mulena.” Mu talimisize meto a mina fa Kalvari, mi hakuna se si ka mi paleliswa! Ona muzamao wa bupilo bwa mina luli, musweli ku zamaya mwa Nzila ya Mulena, munze mu tozizwe ka Oli yende ya kutoza, mukena mwa sibaka se si Kenile ku kenisisa. Whew! Amen. Ku lukile.

143 Paulusi na si ka fiwa Se ki mutu. Cwale ki sikamañi sa bulela, halu kutela kwa Magalata, tuto yaluna. “Ka ku lu zibisa se si patilwe ka kulata kwa Hae.” Tato ya Hae ki ifi? “Ka ku lu zibisa se si patilwe ka kulata kwa Hae.” Mina babasweli kuñola, ki timana ya 9. Cwale Ni ka akufa kapili ni kuba ni sona kapili, kakuli seli busihu.

144 Oh, Linzwi kaufela ki mukwa wa . . . ? . . . Oh, Linzwi kaufela ki lelinde. Mwakona fela ku Linga ni ku Li lukisa. Mwakona ku kata, Na kona . . . Mwakona kunga leliñwi la Manzwi ao kuzwa mo, muye cwalo ni kwa Genese ni ku li lukisa hande, kuya cwalo ni mwa Exoda ni ku li lukisa hande nde, mwakona kuisa cwalo ni mwa Levitike ni ku li lukisa handende hape, mi, nako ye mufita mwa Sinulo, Ki siemba sa Jesu sifi ni sifi sateni! Amen. Mwakona fela ku li lukisa ka mo mubatela, ikaba Jesu hamu yo nata mwa—ha mu yo fita mwa Sinulo. Kakuli, Na ize, “Ki Na yana Liteni, Yali Teni, mi Ya sa Taha. Kina Mubisi ni Peu ya Davida, ki Naleli ya Kakusasana. Kina Alfa, Omega.” Yani ki A ni Z mwa alfabeti ya Sigerike. “Kina yazwa kwa A kuisa Z. KI NA! Ni mwahala lika Kamukana.” Yeo ki niti. “Ki na ya Na pila mi ne ni shwile, mi na pila kuyakuile. Nina ni linotolo za lifu ni lihele.” Oh, mawi! Sika kaufela sesinde se mu kanga mukale ku li lukisa hande, li ka lukiswa handende kufitela ku Jesu.

145 Cwale, kasamulaho nyana mi kipeto luka—luka—luka—luka, luka tuhela. Eehe. Ki sikamañi se lu libelela, he? Ki sikamañi se mubezi mwa mukopano wo? Ki mulelo mañi wa zeo? Ki sikamañi seo lifasi lisweli kutongela? Ki musebezi mañi oibezini teni bomba ya atomic yani kwani, kana ma molekyu ni ma atomu ki a sikamañi? Mi, oh, ze kaufela ki zañi?

146 Amuapule, Maroma yabu 8, fa muzuzu nyana. Li libelela sikamañi? Ze kaufela li libelela sikamañi? Seli nako mañi? Maroma, kauhanyo yabu 8, mi ha lu kaleni kubala fa, oh, Ni bulele kuli mwendi fa eiti- . . . Halu kaleni mwendi fa naini- . . . timana ya 19, mi fela—fela lubale ona fa kuli luifumane, kuli ibe fela hande. Yeo ki niti. Na ziba fo mufita ku zeo. Ku lukile. Maroma, kauhanyo yabu 8, Ni lumela kuli Ni kondisize cwale. Eeni, sha. Kauhanyo yabu 8, mi halu kaleleni fa timana yabu 18. Hau kaleleni fa timana ya 14.

Kakuli kaufela baba zamaiswa ki Moya wa Mulimu, bao ki . . . bana ba Mulimu. Yeo ki niti.

Kakuli ha mu si ka amuhela moya wa butanga hape kuli sabo ibe teni; . . .

147 “Oh, hani zibi haiba Ni kona ku mi liyehisa. Oooo, haiba Ni kona fela ku mi liyehisa cwale!” Ni sike na liyehisa! Ha ki kuli Ni li yehise fela, ki mukwa wa kuli Na liyehisize. Ni inzi ku Yena cwale, mwabona.

148 Kihande, mu li, “Kihande, haiba Ni inzi ku Yena!” Cwale mina—mina ba Presbyterian muli, “Ah, kamita lubile lu lumela Cwalo.” Kono bupilo bwa mina bupaka kuli ha mu cwalo, kwanda kuli muzamaye sina mwa Na zamaezi, mu lumela Evangeli yeswana ya Na kutalize.

149 Mu li, “Ah,” Baptist ili, “luli, Na lumela mwa silelezo ya Kuyakuile.” Ni kuzwela kwande cwalo ku yo zuba makwai ni ku yo bina, ni basali inge bakuta milili ya bona, ni kueza inge Likaze-sa zibahali? Miselo ya mina ipaka kuli ha mu Li lumeli.

Ha Ni bulela kuli, “Kana mwa lumela mwa foliso ya Bumulimu?”

“Oh, Dokota Jones ubulezi kuli neli *cwalo*, zani neli za mazazi a kwamulaho.”

150 Cwale, mina baipei! ki butata mañi bomuli ni bona? Wena mubotana ya lyangani wa mwanana. Ukwahule hahulu ni Evangeli kufitela iba fela makeke. U se u fumanwi kuli ukashelizwe kwatuko a mukwakwa mwa sibaka sa kunepela manyalala. Kana hamuboni Sa bulezi fa nji? Kuli, moya kaufela o bulela kuli Jesu hasikataha utile mwa nama cwale, ki moya o maswe. Biblele ibulezi kuli Jesu Kreste ki ya swana maabani, kacenu, ni kuyakuile. Sa Na bulezi ka nako yani, U cwalo ni cwale, Yena u cwalo kamita. Muteeleze fela.

Kakuli ha musika amuhela moya wa butanga kuli kube sabo hape; kono mu amuhezi Moya wa- . . .

[Kopano ili, “*kuañuliwa*.”—Mu.]

151 Cwale, kasamulaho mu mano añuliwa, ku lukile, kasamulaho mu mano añuliwa. Mwa tomahanyiwa hande, kona kuli mwa utwisisa, kasamulaho wa mukiti ufela kuli mi se mu beilwe ka tokomelo mwa Mubili. U mwana mushimani, luli, u muzizana, ha mu pepilwe sinca mu ba seo, kwani kona kupepwa kwa mina. Kono cwale mu yahilwe hande mwa sibaka.

Ha lu si ka amuhela moya wa sabo; kono lu amuhezi Moya, lu amuhezi Moya wa kuañuliwa, ili ka ona lu huwa kuli, Abba, Ndate. Ili kutalusa kuli, “Mulimu wa ka.” Ku lukile.

Moya Kasibili upakelana ni moya wa luna, kuli lu—lu bana ba Mulimu:

152 Kana liezahala cwani? Mu li, “Kanya ku Mulimu! Haleluya! Ha li ni bilaezi, Ni mwana wa Mulimu,” ni kuzwela fande ku yo eza lika? Moya wa Mulimu uka eza misebezi ya Mulimu.

153 Jesu naize, “Yena ya lumela ku Na, misebezi ye Ni eza ki ye muka eza ni mina.” Mwabona? Mwabona?

154 Haiba—haiba—haiba—haiba kota ye itaha ni kutubula bisansa bya magirepu, mi yetatama itahe mi itubule sisansa sa mipusi, kuna ni se si fosahalile. Mwabona? Ki keleke ye comekilwe mwateni, ki kota ye comekilwe mwateni, ki mutu ya comekilwe mwateni. Haiba mutu yana ni kopano cwalo, ki wa siemba sa kopano mi uipiza kuli ki Mukreste, mi hana Moya o Kenile ni kuba ni Mata a Mulimu ni lika ze kaufela . . .

155 Cwale, haiba muzwela fande ni kueza inge sikwata sa macakolwa, bakeñisa fela kuli mubulezi ka malimi. Ni boni mioya yemaswe haibulela ka malimi. Eeni, sha. Ni ba boni ha ba binela mwa moya, ni kuhuwa ni kutubula nakambuti kwa milomo lufulo twaa, ni lika zeñwi kaufela, ni zeo kaufela. Ni liboni zeo. Ni wa . . . Ha ni buleli ka zeo. Ni bulela ka Moya wa Mulimu.

*Moya kasibili upakelana ni moya wa luna, kuli lu . . .
bana ba Mulimu:*

Mi haiba lu bana, babana ni sanda; sanda ku Mulimu, . . . babana ni sanda hamoho ni Krete; haiba kucwalo . . . kuli lu nyanda ni yena, kuli lukone . . . hape lu fiwe kanya hamoho.

Kakuli Ni lemuha kuli manyando . . .

156 Muteeleze fela ku se. Oh, haiba se ha ki sesinde!

Kakuli Ni talima kuli manyando a nako ya cwale ha lukeli kubapiswa ni kanya ye ka bonahala ku luna. Ku luna!

Kakuli ze bupilwe li libelezi ka kushukelwa . . .

157 Sa bulela fa, kuna ni linzwi lelinyinyani—kuna ni linzwi lelinyinyani foo, ki palo nyana fateni, “pupo” kona ye lukile, mwa Sigerike.

. . . ze bupilwe li libelezi, ze bupilwe li libelezi ka kushukelwa kupatululwa kwa bana ba Mulimu.

158 Kaufela li libelela sikamañi? Ze bupilwe kaufela li libelela sikamañi? Kupatululwa kwa bana ba Mulimu. Ki tibeledo ya Keleke kuli itahe mwa sibaka sa yona. Mwana mulimu ki ufi, fani Adama, sibaka sa maino ahae neli sifi? Lifasi. Yena, nana ni sibaka sa maino fa lifasi. Kana ku cwalo? [Kopano ili, “Amen.”—Mu.] Na si yena Elah, Elah, Elohim kanti; Na li yena Jehova. Mwabona? Fo kikuli, “Ki na Mulimu, mi Ni ezize babañwi kuba mwatasa Ka. Mi Ni ba file puso. Mi mwa sibaka sani, puso mwatasa mata a bona, ki lifasi.” Mutu nana ni puso fahalinwa lifasi. Mi zebupilwe kaufela li libelezi ka kupatululwa kwa bana ba Mulimu. Oh!

Lu libelezi kutaha kwa lizazi la tabo la
 mileniamu,
 Fo Mulena luna ya fuyozwi ha ka taha ku yo
 nga Munyaliwa wa Hae;
 Oh, lifasi la tonga, li lilela tukuluho yemunati,
 Fo Mupulusi wa luna ha kuta mwa lifasi hape.

¹⁵⁹ Kana ku cwalo? Kulibelela. Mulimu ulika kutomahanya keleke ya Hae mwa sibaka, kuli aiponahaze Iliyena, kuli abe ni Ya ka beleka ni yena cwalo, kuli, “Kuna ni Moya wa Ka obuba hande. Ki Fo cwale. Kuli, kuli, Na—Na kona kubeleka.” Fa, unga yomuñwi ni ku mubeya fa ni ku mutomahanya, “Na kona ku mu tomahanya.” Kuañuliwa, kutomahanyiwa, kubonahala, ku mubeya fa ni ku muezeza mukiti, ku mupotela ni Lingeloi, ku mu bulelela sika. Cwale, haiba ubulezi niti! Cwale haiba ueza fela sika cwalo, haina ku beleka. Batili, batili, sani—sani hasina kubeleka, lubile ni zeñata zeo. Kono Ni talusa—kono Ni talusa kupatululwa kwa bana ba Mulimu, foo Mulimu ha ipatulula Iliyena ni ku Mu lumela kwande. Mi kipeto uya kwapili, ni sa bulela iba Niti. Sa eza ki sa Niti. Sa eza, u bonahalisa Kreste. Muka mu atula cwani? Ka mukwa wa pila ka ona ka Linzwi, hande ka Linzwi. Mwabona, cwalo kona mo mu zibela batu kaufela, ki ka mukwa o bapila ka ona ka Linzwi. “Haiba habuleli kuya ka Linzwi, hakuna Bupilo ku yena,” kubulela Bible. Mwabona? Mu mutuhele fela ona cwalo.

¹⁶⁰ Cwale ha lu baleni, mi luka—luka ba ni kutuhela, kakuli nako ya luna se ifela. Ku lukile, mwa timana ya 10, kamba timana ya 9, nitaluse.

*U lu zibisize sa na patile sa tato ya hae, ku lu añula,
 ka kulata kwa hae ko alemuhile ku yena:*

¹⁶¹ Na lelele se yena Kasibili, ku sikaba kale mutomo wa lifasi. Ki ka bakai baba utwisisa seo? Mwabona?

Kikuli linako zana tomile ha li se . . .

¹⁶² Oh, mawi, ki luna lwataha hape! Huh! Oh, halu—halu—halu fateni fela fateni, mwabona.

. . . linako zana tomile ha li se li petahalile . . .

¹⁶³ Kana mwa lumela mwa likalulo za masika? Bible ibulezi cwalo, “Mwa mutalelela wa linako za masika.” Mutalelela wa nako ki sikamañi? Kubile kalulo ya masika a nako ya, kihande, nekuna ni nako ya Mulao wa Mushe. Nekuna ni nako ya—ya—ya Joani Mukolobezi. Nekuna ni nako ya Kreste. Nekuna ni nako ya kopano ya keleke. Nekuna ni nako ya kusuluha kwa Moya o Kenile. Cwale ki nako ya kuañuliwa, seo lifasi li libelezi, ki kutonga. “Mi cwale mutalelela wa nako hauka fita, ha ikaba mutalelela wa masika a nako.” Mutalelela wa nako wani ki ufi? Ki fo bafu ha ba zuha, matuku ha sa felile, mi cwale . . . lifasi kaufela ha se li tuhezi kutonga. “Mutalelela wa masika a nako.” Mutalime se.

Mi haiseli mutalelela wa masika a nako uka kopanela mwa sibaka silisiñwi hamoho ku Kreste, . . .

164 Kana ha mutabeli? Kana Uka li eza cwani zeo? Kukopanya hamoho lika kaufela ku Mañi? [Kopano ili, “Kreste.”—Mu.] Mukena cwani ku Kreste? [“Ka Moya ulimuñwi.”] Ka Moya ulimuñwi luna kaufela lu kolobelizwe mwa [“Mubili ulimuñwi”] Mubili ulimuñwi. Mi Mubili wani ki Mubil wa Mañi? [“wa Kreste.”] Na atuzwi kale. [“Amen.”] Na ngile katulo yaluna. Kutuha fo luba sikamañi? “Ha Ni bona [“Mali.”] Mali, Ni ka mi fitelela.” Ka nako kaufela Ha talimela fa Mubili, ki Wani uinzi fani, ulota mali. Ni mwateni mwani ka mukwa ufi? Moya o Keniel. U fitelela fateni fela. Oh, mawi!

Mi cwale mutalelela wa masika a nako, kuli akopanye hamoho . . . lika kaufela ku Kreste, sibeli sa zeli mwa lihalimu, . . .

165 Cwale haiba mubata kubulela ka za libizo, luka kala cwale fa nako nyana. Lubasi kaufela lwa Lihalimu lu biziswa ka libizo lifi? [Kopano ili, “Jesu Kreste.”—Mu.] Lubasi kaufela mwa lifasi lu biziswa ka lifi? [“Jesu Kreste.”]

166 Kuna ni basali babande babañwi mwahali mo, babande, baba fumile, kalibe wa luli, likalibe. Kuna ni musala Bo Branham, musala Bo William Branham, ki yena musala ka. Ki yena yaya kwa ndu nina. Mwabona, mina baba siyezi kaufela muya ni baana ba mina.

167 Kuna ni Keleke iliñwi yetuna ya Mulimu yapila, ki Yona ye lwezi Libizo la Hae, Itezi Moya wa Hae. Yeo ki niti. Ha ni bulezi . . .

168 Ha ni nyazi misebezi yeminde, Ha ni nyazi lipatela za bona ni lika zende ze ba eza. Ni sepa kuli zani ki zende, ni limbuyoti za Mulimu kwa babotana, batu babasweli kunyanda. Ha ni nyazi lika zeñwi ze kaufela ze ba eza. Ki zende, zani ki zende fela. Ni likopano zabona zetuna ni ma milioni a madollar, Ne ni ka tabela kubona zani kufita kubona mandu a manwelo a macwala akopani hamoho mwa sibaka silisiñwi, nako kaufela. Kaniti na ba kuteka kakuba bakutazi baba yema fa katala.

169 Kono cwale haitaha ku za ku kopana hamoho kwa mafelelezo a lusika, ikaba kulibelega kupatululwa kwa bana ba Mulimu, mwa nako yani- . . . kuli Akopanye hamoho, kaufela baba tisizwe ku Kreste. Kreste ki sikamañi? Ki babakai. . . Kana lukena cwani ku Yena? I Makorinte 12, “Ka Moya ulimuñwi luna kaufela lu kolobelizwe mwa Mubili ulimuñwi, wo li Mubili wa Kreste, mi lu bo muca sanda ba mpo yende kaufela ni nto yende kaufela Ya luwile.” Kana ku cwalo? “Mi lifasi kaufela la tonga, la lila, li libelezi kupatululwa kwani fo Kreste ni Keleke ya Hae habaka kopana hamoho.”

Kikuli. . . linako za tomile ha li se li petahalile. . . a kubukanyeze linto kamukana . . . ni kamukana ku

Kreste, ni za kwa lihalimu, ni mwa lifasi; mi ni ku yena: . . . lifasi; ku yena; mane ku yena:

Ku yena . . . lu ezizwe baba ka yola sanda, . . .

¹⁷⁰ Oh, Muzwale Neville, ni swalele ka kunga nako ye kaufela. Ni . . . linzwi lani “sanda.” Oh-oh-oh-oh! Oh, ni nani! Oh-oh-oh-oh! Ni ziba kuli Ki . . . Muzwale wa ka mwa lubasi. Hani . . . Ni sepa Ha ni si ka lyangana. Na—Na—Na fela . . . Ha ni sepi kuli Ni lyangani. Kono, oh, mawi! Ki sikamañi? “Ki sanda.” Lu amuhezi sanda. Mutu kuna ni sa lumela ku mi siyela. Mulimu, kusikaba kale mutomo wa lifasi, u mi siyezi nto yeñwi. Libizo li ñozwi mwa Buka mwani, kuli Ngunyana haita bulaiwa mu itibahaze ni Yona. Oh! Halu siyeleni seo busihu bwa kacenu. Halu baleni fapata nyana fela. Mawi, mawi! Kana luka fita cwani fa timana ya 3 busihu boo, kamba kauhanyo ya 3? Halusika fita mane nahaiba litimana zene kamba ze katalizoho za ye. Cwale lu libelezi kukwala, niteñi, Ni ka ibala fela kipeto ni ku ituhela.

Ku yena ye lu ezizwe baba ka yola sanda, kakuba . . .

¹⁷¹ Sikamañi? Kana lu amuhela cwani sanda se fa? Ne lu si amuhezi cwani? Kakuli ne lu zamaya ka kuluka? Lu amuhela cwani sanda se? Kakuli ne lu lelilwe isali kwa simuloho. Amen. Whew! Mizwale baka ba si Arminian, Ni ziba seo sitata luli. Ha ni si ka yema fa kuholofaza, kono si ni eza fela hande ka kuziba . . . U—u—u utwile, u utwile kana, muzwale, ku lukile. Fela ha mu liboni. Muna ni sona ka mukwa oswana. Mwabona? Mu iketile, mwabona, mu iketile. Mwabona? Kono, oh, kono ki nto yende kotalima fateni. Eeni. Kuswana fela sina Muzwale Neville za na bulezi ka za malibela mwa kufita, maabani, “Munge manela ya kupahamela mu potolohe mi mubone se munani.” Eeni, sha. Seo kona mo siinezi Se. Moya o Kenile wa Mulimu kona manela aluna a kupahamela fateni elunani. Mwabona?

¹⁷² Mwabona, ki sanda. Oh, mawi! “Kakuba . . .” Ki sanda sa mufuta mañi?

. . . ne lu lelilwe pili ka mulelo wa hae yena ya sebeza linto kamukana ka muhupulo wa tato ya hae:

¹⁷³ Mi ha Nali . . . asika Ba kale Papa, asika Ba kale Mulimu, asika Ba kale Mupulusi, asika Ba kale Mufolisi, asika ba kale ze kaufela, Na lelile pili, añola Libizo la Ngunyana mwa Buka, atalima fafasi ka mulelo wa Hae pili mi abona libizo la hao, alibeya mwateni ni lona. Ki sikamañi? Mi kasamulaho wa nako nyana mwa lifasi, apepwa ka bashemi ba baezalibi; lu zamaya zamaya mwa lifasi, mwa ziba. Taba yapili mwa ziba, inge Mujuda yani wa ngo yesikami inge kashuto, Paulusi, mwa ziba, mi—mi na sweli kutundanisa, mi, nto yapili, Sesiñwi sali, “Kwanu, kwanu, kwanu, kwanu, kwanu!”

Mu li, “Oh, Abba, Ndate!”

174 Ki luna ba lwakala kutaha, mwabona. Ulu lukiselize kwa sanda sa luna ku Yena, sene si lukiselizwe luna. Mwabona, ne luifilwe kusikaba kale mutomo wa lifasi. Mwabona? Oh! Ka mulelo wa Hae Luli kuli abeleke tato ya Hae Luli, kona cwalo, kuli abe Mulimu ni Mupulusi.

*Ki ku yena yemu lumezi, kasamulaho mu mano utwa
linzwi la niti, . . .*

175 Mi Niti ki Mañi? Jesu ki yena Niti, Niti ya Evangeli. Evangeli yecwani? Kuna ni fela Evangeliilimu. Magalata 1, ili, “Kanti niha ikaba Lingeloi li kutaze Evangeli isili, yo abe anatema.” Ye ki yona Evangeli, Evangeli ya kupuluswa kwa mina; ha ki isili, hakuna isili. “Hakuna—hakuna libizo lisili leli filwe mwatasa Lihalimu leo muna ni kupiliswa ka lona.” Kwanda Libizo la sikamañi? [Kopano ili, “La Mulena Jesu Krete.”—Mu.] Oh, na!

*. . . yena yo muinzi . . . ku yena haisamba mu utwa niti,
ha mu se mulumezi muswailwe . . .*

176 Oh, “Ha mu se mulumezi!” Kana lukona kumata cwani ku zani, muzwale? Ha lu li siyeni fela busihu boo, ki sikamañi se mubulela? Oh, mawi! Hani—Hani koni fela kuya—kuya fapata kufitelela fani. Ha lu li siyeleni busihu. Ha ni koni fela kusiya linzwi lani “kuiswaiwa,” mo mukenela mwateni, mwabona.

177 Sanda ka kulemuhiwa. Ni na ni sanda. Ki sanda mañi? Nekuna ni yana ni siyezi sanda. Kiñi, mu li, “Jesu na mi siyezi sanda.” Mu ni swalele? Jesu na si ka ni siyela sanda, Jesu ali kuba ami siyele sanda; Yena natezi fela ku to lifela sanda sa mina, ami tisa kwa sanda sa mina. Kono libizo la mina ne li ñozwi kale mwa Buka ya Ngunyana ya Bupilo mane kusikaba kale mutomo wa lifasi. Ki Mulimu yana mi file sanda sa mina. Sanda sa mina neli sona sa pili. Jesu yena natezi fela . . . Babañata luli, cwana kona mo ba lika kubulelela, “Mulimu ubulela kuli, ‘Kihande, kuna ni batu babañata baba latehile. Hakuna ni yomukana wa bona ya ka piliswa, konakuli Ni ka luma Jesu fa lifasi kuli hakulata mwendi Uka . . . yomuñwi autwa makeke, mi aziba se Ni ezize fa kupiliswa.” Oh, makeke! Hani koni kubelekisa ofisi yaka cwalo, mane Ni ha nikonika kuisebelisa cwalo linako zeñwi. Mwabona? Ha—Ha ni koni kueza cwalo. Kana kucwani he ku Mulimu?

178 Mulimu, ka kulemuha kwa Hae ka makalelo, na boni handende babane ba ka piliswa ni babane ba si ke kupiliswa, Na lumile Jesu ku to pilisa ba Na ketile kale. Kana Paulusi na si ka bulela kuli, litimana ze ketalizoho fa mulaho fa, kuli “Na lu ketile ku Yena kusikaba kale ni lifasi?” Sani kona sanda sa luna. Mulimu na lu ketile, mi alumeleza Jesu kutaha ku to lifa teko. Sani neli sikamañi? Neli kusuluha kwa Mali a Hae, kuli kutokwe sibi se si ka balelwa luna. Hakuna se mueza. Kono haiba muka . . .

179 “Yena ya eza sibi ka boomu kasamulaho wa kuamuhela zibo ya Niti, hakusana sitabelo hape.”

180 Cwale, mi fo kona fo muka zuhela hape, muli, “Ku cwani ka seo, Muzwale Branham?”

181 Kono muhupule fela, mwabona, “baba amuhezi *zibo* ya Niti.” Neba si ka amuhela Niti, Neba amuhezi fela *zibo* ya Yona. Mwabona? Ha ku konahali kuli bona baba lazizwe kwatени, ni kuezwa bo muca sanda sa Moya o Kenile, bona baba tatubile kwa mata a Linzwi lelinde. Inge balumeli ba sihalihali bani kwa mulaho kwani. Babañata hahulu ba no ñolezi mañolo ka zeo.

182 Balumeli ba sihalihali bani ne ba keni mwani, Joshua ni Kalebu baya hamoho ni bona mwatени. Kiñi? Cwale luka biza zani kuli ki Moya o Kenile, yona naha ya kwande kwani. Ki ba bakutile *kwanu*. Kamba kwa mulaho *kwanu*, lubulele kuli *yo* ki Moya o Kenile, mi bakutile *kwani* hape, mwa bona. Kwani ko kuinzi sepiso, ona *kwani*. “‘Kihande, haiba ne ba ka luma litwela zelishumi, alimuñwi kuzwa mwa mushobo ni mushobo, ili kuli mishobo ye kaufela izibe seo sanda sa luna sili sona, kaufela bona ko ba beiwa kwani, ko lu ka tomanyiwa.’ Kacwalo, Ni ka luma litwela zeñwi kwatени.”

183 Kaufela ba yo fita kwani, “Oh, mawi! Batili. Ne luka bizwa kuli bapikuluhu babakenile, kuzwa fani. Batili, huh-uh, halukoni kueza cwalo.” Mwabona?

184 Joshua ni Kalebu bali, “Ni ka bona kuli ibonahala cwani.” Kacwalo ba ya kwatени mi ba talima kafa ni kafa. Mawi, ba yo fita kwani mi ba koyola sisansa sesituna sa magirepu ni ku yokuta. Bali, “Mushimani, ki kokunde, ki kokunde luli! Kifo, amuikungele zeñwi zatени, ki zende luli!”

185 “Oh, seo ki sesinde, kono, oh, mutalimele fa butuna bwani. . . Oh, halukoni kueza cwalo. Kuyema ka kulwanisa likopano zetuna zani kaufela, ona lika zetuna zani kaufela? Oh, ki nto yemaswe luli, halukoni kueza cwalo. Batili, sha! Hakuna taba kamba ki mañi, haluna kueza cwalo. Batili, sha.” Mi bakala kubulela kuli, “Oh, halu kuteleni kwa lipoto za matunula a nama za Egepita. Kambe neluka ikinela fela ona kwani. Halukoni kueza cwalo, nzila ye itata hahulu. Lu ziba kuli lwa kona kueza se, halukoni kueza *cwalo*.”

186 Kalebu ki hali, “Amu kuze, kaufela mina!” Joshua ali, “Amu kuze, kaufela mina! Ha muteeleze ni bulele nto ilinwi.”

187 “Oh, bumai, bumai, bumai, halukoni kueza cwalo! Oh, halukoni kueza cwalo. Kihande, haiba Nina ni kutuhela makadi a mikiti yaka, Muzwale Branham! Haiba Nina ni kutuhela milili yaka kuhula ibe inge ya musali muhulu, Ha ni zibi fela se ne Ni ka eza. Haiba Ni lukela kutubula tuputula twaka, Na—Na—Na, mawi, Na hanikoni fela, mwa ziba. Mi haiba Nikona kuitoboha makwai aka, haiba Ne ni eza cwalo!” Wena mutala o shebile. Eeni. “Fela hanikoni kueza cwalo.”

188 Joshua ali, “Oh, ki bunde. Haleluya! Lwakona ku linga.” Neli sikamañi? Neba sweli kutalimela fa minzi yemituna yene

na ni mamota kwa maneku kaufela. Mi Joshua ni Kalebu neba talimela fa sepiso yana ba file Mulimu. Upile ni Linzwi, hakuna taba kamba ki wena mañi. Upile ni Linzwi!

189 Kakuli Pitrosi nabulezi kuli, “Mubake, mañi ni mañi wa mina, mi mukolobezwe ka Libizo la Jesu Kreste kwa swalelo ya libi za mina, kakuli sepiso i kumina,” (ha ki Naha ya sepiso ni yeo?) “ni kwa bana ba mina, ni babali kwahule kaufela, mane ni babañata be Mulena Mulimu wa luna uka biza.”

190 Musike mwa eza kuli se si holofaze, ka kukwala, shangwe musike. Mwabona? Fo mina ba Pilgrim Holiness ni ba Nazarene, mukeni hande mwa kukeniswa, nemu tahile hande mane mwa fita fa sibaka fo ne mubnoni ni magirepu, mi kipeto mwa sikuluha ni kukuta mwa mulaho. Mwabona se si ezahalile? Bwani kona butata, ne mu si ka kena mwa naha. Mu ni bonise alimuñwi wa Nazarene kamba Pilgrim Holiness, kamba ufi wa bona kaufela mwa libaka zani kacenu, babana ni mikopano yemituna ya kufolisa ni lisupo ni ze komokisa ze ezahala. Muni bonise alimuñwi. Mu pilile ni Egepita, mwa kutela kwa lipoto za garliki. Mwa yo yemela fa Kadesh-barnea. Yeo ki niti.

191 Mutalime, mi haluboneni ni mife sibaka sa mina, mwa Maheberu kauhanyo ya 6. “Kakuli ha ku konahali kuli bona babakile ba bonisezwa,” mwa ziba hande. Haiba ha mu cwalo, mwa ziba seo cwale. Mwabona? “Baba abezwi siemba, mi ba lwazize kwa mpo ya Lihalimu.”

192 Ba lwazize, mwabona. Batu bayanga kwa keleke, mi baina ni kubulela kuli, “Mwa ziba, bona, bakona kubulela niti. Sani—sani—sani sakona kuba se si lukile. Ikona kuba fela ka kuswana, kono Na ku bulelela, mushimani, si lwala tumelo fa kueza cwalo.”

193 “Baba lwazize kwa limpo za Lihalimu, mi ba talimile Mali a bulikani kuli kinto ‘ye si kakena,’ kanti ne mu kenisizwe sapili.”

194 Kuswana sina mukutazi, bomahe ba muluma. Yena uli, “Nina ni pizo yakuba mutanga wa Mulena.”

195 “Ku lukile. Nto yapili ye Ni lukela kueza ki kutapela fo kutapelwa, mulatiwa, mi Ni ka kuluma kuya kwa sikolo kokuñwi.” Nto yemaswe hahulu ku za kile aeza. Yeo ki niti. Li ka zusa lika kaufela ku yena zeo Mulimu na likile kubeya ku yena. Mi, cwale mutalimele.

196 “Kakuli haiba lueza sibi ka boomu, ka boomu lueza sibi lu mabo amuehela zibo ya Niti, zibo. Lwa bona cwalo mwa Mañolo ni kuziba kuli Bibeke ibulela kuli Yena wa swana maabani, kacenu, ni kuyakuile. Mwabona Sani, ki zibo ya kuziba Niti. Ku ibona, lwa wa, ni kotalima Mali a bulikani . . .”

197 Muuna uli, “Oh, eehe, Na lumela ku—ku Mulimu.” Ku lukile, mu hate muhato wa pili.

198 “Luli, Na lumela mwa kukeniswa.” Ku lukile, mu mwa museto wa mahalihali, ona fa muitukisize kuamuhela Moya o Kenile. Kono mutalimile kwani ni kubulela kuli, “Ha—Ha—Ha ni zibi ka zeo. Haiba Ni lukela kueza . . . Batili. Ha ni zibi. Mwa ziba mo ba bizeza batu bani? Uh-huh, Ha ni zibi kamba Na kona kueza cwalo kamba nee. Batili, Ni lumela fela kuli Ni zwelepili ni yo ikopanya . . .? . . .” Mwabona? Mwabona?

199 Mi mwa ziba se si ezahala? A bulela kuli, “Ha ku konahali kuli bona bao bakene.” Ba fosize mane kufita ni fa lizazi la sishemo sa bona. Ki Bibeke yebulezi cwalo. Ni ziba kuli seo si buhali, kono Bibeke ibulezi kuli, “Ba lwazize kwa limpo za Lihalimu, mi ba talimile Mali a bulikani ili ka ona . . .”

200 Ba bulela kuli, “Ni lumela mwa kukeniswa, ili bupilo bobunde, bo busweu, bo bu kenile.”

201 Luli, kono mina, ha ne muboni kolobezo ya Moya o Kenile, ni kolobezo ni lika zeñwi ze kaufela mwa Bibeke, mi muezize sikamañi? Mu talimile Mali a bulikani ao kaona ne mu kenisizwe, kuba “nto ye masila.” Kisikamañi se si kufitizize foo, muuna? Kisikamañi . . .? . . . Kisikamañi se si kupalelisizwe kuba muezalibi ya mwatasi hahulu? Kisikamañi se si zusize sibi mwa bupilo bwa hao, ni kuzuba ni kunwa, ni basali ni lika zeñwi kuzwa mwa bupilo bwa hao, sani ha si lukeli kuba teñi? Kisikamañi se si ezize zeo? Ki Mali a bulikani! Mi se mutaha bukauki ku to tatuba magirepu a mwa Naha yeñwi, ni kuswabela Evangeli, mwa saba kopano ya mina! Mulimu abe ni makeke! Eeni, sha. “Mwa talimela Mali a bulikani kuba ‘nto ye masila,’ ni kueza ze nyaziseza misebezi ya sishemo. Ha ku konahali kuli ya cwalo akene mwa Naha.”

202 Kisikamañi se si ezahalile? Na mi buza. Cwale, Na ni muswanisisi kwa lika, mi mutu kaufela ya ziba Bibeke ki muswanisisi kwa lika. Kana kuna ni alimuñwi wa baana bani yana ilo nunka mwa naha ya sepiso? Hakuna nihaiba yomukana wa bona. Ki mañi yakile yaeza zani, ki mañi yanailo punya teñi? Bani bene baile pili, ba yo kuta ni kubulela kuli, “Lwakona ku ihapa, lwakona kuba ni Moya o Kenile kakuli Mulimu na bulezi cwalo! Pitrosi naize ka Lizazi Pentekota kuli, haiba Ni ‘baka ni ku kolobezwa ka Libizo la Jesu Krete,’ Ni lukela kuamuhela Moya o Kenile, sepiso yeo ikuna. Na itakaleza kueza cwalo. Ki yaka, sepiso yeo ki yaka.” Mwa utwa nji? “Cwale sepiso iku na. Na iamuhela, ki yaka. Luli ki cwalo.” Neli bona banosi bani.

203 “Oh,” mu li, “kono, Muzwale Branham, mwa zuho!” Habana kuba teñi. “Oh, habana kuba teñi?” Batili, sha. Jesu abulela.

204 Neba bulezi kuli, “Kakuli Uikeza Iliwena kuba yomutuna sina Mushe, mi U bulela kuli Wena kuti, U ‘boni Abrahamama.’” Mi ki hali, “Mi—mi—mi—mi Abrahamama u shwile! Kiñi, Wena hau—Wena hau si ka fita nihaiba fa myaha ye mashumi a ketalizoho ya kupepwa, mi U bulela kuli U boni Abrahamama?”

205 Ki hali, “Mane Abrahamama asikaba kale na, NITENI.” Oh, mawi! Kina “NITENI,” yaliteni kamita, Mulimu wa Kuyakuile. Haki maabani, haki kamuso, “NITENI.” Mwabona? Mulimu yaliteni kamita, yena Elohim, “NITENI.” Mi ki ha ba nanula . . . Neba bata ku Mu bulaya ona fani.

206 Mi ali, “Kihande, bokuku aluna ba cile manna mwa lihalaupa ka myaha ye mashumi amane. Mulimu na nelisa sinkwa kuzwelela kwa Lihalimu ni kuba fepa. Nebaya kwa keleke mi nebali batu babande ba keleke ka myaha ye mashumi amane. Boma ba timelezi ona mwa keleke mo,” ni lika zeñwi cwalo. “Bashemi baka ba cile manna mwa lihalaupa ka myaha ye mashumi amane.”

207 Mi Jesu ali, “Kono kaufela bona ba shwile.” *Kushwa* kutalusa “ki kauhano Kuyakuile.” “Kaufela bona ba shwile. Kono Ni li ku mina, kuli Kina Sinkwa sa Bupilo se si zwile ku Mulimu kwa Lihalimu. Mutu ya ca kwa Sinkwa sa Moya se, una ni Bupilo Bobusafeli mi ha na kushwa. Mi Ni ka mu zusa ka lizazi la mafelelezo.” Oh, muzwale, Kana Ha ki yomunde?

Kana Ha ki yomunde, yomunde, yomunde?
Kana Jesu Mulena ka ha ki yomunde?
Meto aboni, lizebe liutwile, se si ñozwi mwa
Linzwi la Mulimu;
Kana Jesu Mulena ka ha ki yomunde?

208 Kana ku cwalo? Lu boni Moya wa Hae wa temuho hauli mwahala luna. Lu Mu boni inza eza limakazo ni lisupo ni ze komokisa. Lwa Li utwa inge liñozwi mwahala Linzwi mo, mwa Li bona ha lipakiwa hande kaufela kona. Oh, mawi!

Meto aboni, lizebe liutwile, se si ñozwi mwa
Linzwi la Mulimu;
Kana Jesu Mulena ka ha ki yomunde?

209 Mwa mizuzu yemiñwi yemibeli, kamba yemilalu, ku kaba sebela ya kolobezo ye ka ezahala kwanu. Mi cwale baba ka kolobezwa, mubone kuli basali bani batahe neku *le*, ni baana ki kwa neku *le*. Mi cwale baana ki kwa nzohoto yaka, kwanu kwa neku *le*. Mi basali ki neku *le*. Kukaba likezeli mwani ni liapalo ba itukisize kale. Mi haiba muuna ufi kaufela kamba musali mwahali mo kakusasana cwana, ya ikolwisisa kuli u lumela Linzwi la Mulimu, mi ulumela kuli Mulimu ubuluka sepiso ya Hae, kuli haiba mutu akona kubakela libi za hae mwa niti. . . Cwale, Mali ha si ka eza kale sika. Batili, ki tumelo ya mina fela ku Mulimu. Mi Mulimu usweli wa biza, fela, “Phew, phew, phew!” wa mi biza, zeo kona zesweli kueza sani cwale, “Phew, phew!”

“Nali kuba ni kolobezwe.”

“Phew, phew!”

“Kihande, kihande, haiba Ni kona fela kukalisa ni kueza ze shutana.”

“Phew!” Yeo, yeo kona taba, kukalisa, mi—mi mueze ze shutana kasamulaho mu kalisa. Mwabona? Mu lukela kufetuha, mu kalise, mwabona.

Mu li, “Kihande, Ha—Ha—Ha ni si ka libona kale cwalo.”

²¹⁰ Kihande, muzwale yomunde, Ni bata kuli mu ni bonise Liñolo lililiñwi koo mutu ufi kaufela. . . Ni bulezi taba ye fa myaha ye mashumi amalalu ka ulimuñwi ya bulumiwa bo mwahala lifasi, fapila mabishopu ni babañwi cwalo, koo mutu alimuñwi, mutu alimuñwi akile akolobezwa ka nzila isili kaufela kwanda Libizo la Jesu Krete. Mi mañi ni mañi yana si ka kolobezwa ka Libizo la Jesu, nana ni kutaha ku to kolobezwa hape ka Libizo.

²¹¹ Mulimu una ni fela Libizo lililiñwi, mi Libizo la Hae ki Jesu. Yani ki yena Mwana Hae, Na ngile Libizo la Mwana Hae. Mulimu! Cwale, Jesu, mubili nali mutu. Lwa ziba cwalo. Yani neli Mwana Mulimu yana apesizwe. Cwale ha lu lumeli mwa buñwi cwalo, sicaba se si bulela kuli Mulimu uswana sina munwana wa mina. Lu lumela kuli kuna ni lika- . . . likalulo zetalu za Mulimu. Likalulo zetalu za Mulimu, Mulimu na bonahalile ku ona. Kono kuna ni Mulimu alimuñwi. Mwabona? Yeo ki niti. Ha lu lumeli. . . Lwa lumela mwa—mwa. . . Haluboneni kuli ni si eze cwana, lu lumela kuli Mulimu na pila mwa liofisi zetalu. Nana ni ofisi fa lifasi nako yeñwi.

²¹² Cwale, mina basali muye kwa neku *le*, ni mina baana kwa neku *le*, babasweli kuitukisa. Mi basweli baitukiseza sebelezo ya kolobezo cwale.

²¹³ Mi, cwale, Mulimu nana ni liofisi zetalu. Iliñwi ya zona neibizwa kuli Bushemi, kamba siemba sa Ndate; yeñwi neibizwa kuli Bwana; mi yeñwi hape neibizwa Moya o Kenile. Cwale, kacenu, ki—ki kalulo ifi yeo Ndate abeleka ku yona kacenu? [Kopano ili, “Moya o Kenile.”—Mu.] Moya o Kenile. Ki sikamañi sa Nali sona mwa mazazi akwa mulaho? [“Jesu.”] Jesu. Na Li sikamañi mwa mazazi a kwamulaho ani asika fita kale? [“Ndate.”] Kono neli fela Mulimu alimuñwi! Kana ku cwalo? Ki Ndate, Mwana, ni Moya o Kenile. Zeo zetalu, liofiso zetalu zeo ki za Mulimu alimuñwi. Mulimu alimuñwi!

²¹⁴ Kono cwale, Ndate ha ki libizo, kana ki niti yeo? Ni bata ku mi buza. Cwale Ni bata ku mifa Mateu 28:19, koo Jesu na bulezi kuli, “Muye cwale, mulute macaba kaufela, mu ba kolobezwa ka Libizo,” (L-i-b-i-z-o) “Libizo la Ndate. . .”

²¹⁵ Cwale Ni bata kubona ka mo muzibela hande Mañolo a mina. Muni bulelele ha Ni zwa mwa nzila. Mi Ali ku bona, “Muye cwale mwa lifasi kaufela, mulute macaba kaufela Evangeli. Ya lumela mi akolobezwa uka piliswa. Ya sa lumeli uka fiwa mulatu. Lisupo ze li ka ba latelela baba lumela. Ka Libizo la Ka ba ka

leleka mioya ye maswe,” (zeo kaufela ki za niti sha?) “baka bulela ka malimi amanca, ba ka swala linoha.” Cwale Ni ka bulela liñolo fa ku mina, Mateu . . .

²¹⁶ Cwale muteeleze. Ni buza mutu wa litaba za kale. Cwale se siteni fa matepu, mi siya kwa lifasi kaufela. Ni buza mutu wa litaba za kale kaufela kuli atahe kuna ni ku ni tiseza Liñolo, liñolo lifi kaufela . . . kamba Liñolo, siemba kaufela sa Liñolo kamba litaba za kale, timana kaufela ya litaba za kale yakile a bonisa Muipanguli, kuli mañi kaufela yakile akolobezwa ka libizo la “Ndate, Mwana, Moya o Kenile” konji keleke ya Katolika haito toma cwalo mwa Katengo ka ba Nicene. Cwale zeo liteni fa matepu, aya mwa lifasi kaufela, mwa mishobo ye mashumi amalalu ni a supile a shutana li tolakilwe. Nika lifa mali a mina kusilela mwabuse bwa liwate. Yeo ki niti. “Ndate, Mwana, ni Moya o Kenile” ki tuto ya buhata, yeba ipangezi ba Katolika, mi ha ki kolobezo ya Sikreste. Kiniti! Luther ki yena yana itisize kuzwa mwa keleke ya Katolika, ni katekisema, Wesley ato ipamula ni kuzwelapili. Kono le ki lizazi la kupatululwa kwa bana ba Mulimu, foo likunutu zene patilwe haisamba lifasi li tomwa lisika zibahala kale. Ye ki yona hola. Luli.

²¹⁷ Muhupule, kwali kuba mutu ni yomukana mwa Bibeke yakile a kolobezwa ka libizo la “Ndate, Mwana, Moya o Kenile.” Ka myaha ye mianda yemilalu kasamulaho wa lifu la muapositola wa mafelelezo, nekusina ya na kolobelizwe fateni ka libizo la “Ndate, Mwana, Moya o Kenile.” Nebana ni . . . Ni balile sibeli sa za *Pre-Nicene Fathers*, *The Nicene Council*, ni kuzwa fani ba ongaongile se ba biza kuli “keleke ye swalani ya Bukreste” mi bapanga kopano ku yona mane ba hapeleza sicaba ku yona, yeneli keleke ya Katolika. Lona linzwi lakuli *katolika* litalusa “silundwamanji,” keleke ya silundwamanji sa Bukreste, lifasi loote, keleke iliñwi iapese lifasi. Mi Bukreste bo, ba hapeleza batu mwateni. Mwateni mwani ba añula, ba zwisize Venus ni kubeya Maria. Ba zwisize Paulusi . . . kamba Jupiter, mi ba yolisize fateni Paulusi. Isali buhedeni niteñi! Kulukile. Keleke ya Katolika kona ko izwelezi kwani, mi kasamulaho wa myaha ye mianda iketalizoho . . .

²¹⁸ Bana ni papali ye zibahala hahulu mwa Louisville cwale, ya *Ben Hur*. Neba ngile *Milao Yeliushumi* ha ki kale hahulu. Ni lakaza kuli kambe ne bakanga iliñwi ya zona, haiba ba kona, iliñwi ya myaha ye mashumi a fifitini ya masika a lififi. Ni lakaza kuli kambe na italima ni yona yani. Myaha ye mianda ye fifitini ya manyando a buhedeni, hane ba hapeleza batu ni ku ba bulaya, ku ba silaha, kuba tamelela. Kubeya komu kwa neku le ni komu hape kwa neku leliñwi, ni kuezwa kuli ba tubete sifapahano kamba bakale ka mukwa wo kamba mukwa wani. Ne ni beile lizoho laka, mwa Switzerland, kwa mulaho wa lipapazo

kone ba yemi kwani inze ba pumaka malimi a bona ni kuba biza kuli baloi ni lika zeñwi kaufela. Yeo luli ki niti. Kiniti!

219 Mi ona moya o swana wani uteni ni kacenu. Ki mulao fela kona o li kutisa mwatasi. Mulibelele kufitela liba ni tukuluho ya zona. Ki Bibele yebulezi cwalo. Mulibelele fela kufitela bonisa mibala ya zona, lina ni kolo yecwalo. Mwakona ku li kenya mwateni kapili cwanofu faa, kuya ka ze Ni ziba kaufela. Mwabona? Li kaba, ni ku taha. Hakuna mukwa wa ku li haniseza. Lina ni kutaha. Yeo ki niti. Lina ni kutaha, za taha. Kacwalo ha li eza cwalo, mutalimele fela. Kono, muzwale, mulukela kuziba nto iliñwi ye, Na ziba Yo Ni lumezi ku yena. Haleluya! Muzwelepili kuya kwapili. Mwabona. Kona cwalo.

220 Kuna ni nako yeo—yeo muñoli, hane Ni bulelezi muñoli wa Lam- . . . Lamsa—Lamsa Bibele yeo, hana talimile ni kubona sisupo sa kale sa Mulimu sani, ona cwalo fela ka kupetahala ili kupetahala luli, tutowati totunyinyani totulalu mwateni, Se nili, “Zani ki likamañi?”

Ki hali, “Yani ki Mulimu mwa likalulo zetalu.”

Se nili, “Zeswana sina Ndate, Mwana, ni Moya o Kenile?”

Ani talimela. Mi ali, “Kana wa lumela cwalo?”

Mi se Nili, “Eeni, sha.”

221 Yena ali, “Ne ni boni temuho yani busihu bobuñwi, Ne ni hupula kuli u mupolofita wa Mulena.” Ali, “Mulimu afuyole pilu ya hao.” Ani kambeka lizoho, ali, “Cwale Na ziba kucwalo.” Ki hali, “Batu ba ma American ba ha ba zibi.” Ali, “Mane hakuna neba se ba ziba.” Ali, “Balika kunga Buka ya kwa Upa ni ku I eza kuba Buka ya kwa Wiko. Mane ha ba zibi ni Bibele ya bona.” Ki hali, “Hakuna Libizo lisili lelifilwe mwatasa Lihalimu, hakuna Libizo lisili, kakuli mañi ni mañi na kolobelizwe ka Libizo la Jesu Kreste. Hakuna sika se si cwalo sa kuli batu ba balalu ku Mulimu alimuñwi.” Mi yani ki Muzwale Lamsa, Dokota Lamsa, mutoloki wa Bibele ya Lamsa, yali mulikana Eisenhower yomutuna mane ki muika wa lituto za lifasi, ni lika zeñwi kaufela, ani kambeka mazoho, ali, “Zazi leliñwi baka ku kunupela zona zeo. Kono,” ali, “hupula, batu bani kaufela ne ba shwezi mulelo omuñwi cwalo.”

222 Ni tabela kuba sina Pitrosi wa kale hanali mwa tolongi. Nekuna ni mushimani nyana kwani mi na ikalezwi hahulu. Mi ki hali, “Oh, ki butata mañi?”

Ali, “Uziba kuli uka bulaiwa wena?”

Pitrosi ali, “Eehe.”

Ki hali, “Kihande, u libelezi kushwa kacenu.”

Ki hali, “Eehe.”

Ki hali, “Kihande, bana—bana . . . kana ha usabi?”

Ki hali, “Batili.”

Mi ali, “Wena ulukela kuba alimuñwi wa baba bizwa Bakreste.”

Ki hali, “Ehe.”

Ali, “Ki sikamañi se si ezahalile?”

²²³ Mi a mu bulelela, amuinisa fafasi ni ku mu bulelela likande. Mi hane baya cwalo, bato shetumuka, mi ali, “Mane Ne ni lukela ku lukuluha kakusasana cwana. Ne ni kaya ku yo kopana ni yeñwi ya likopano za bona ni kupila fela ona cwalo, mwabona. Ne ni ka lukuluha. Kono ha Ni bata kuzwela fande a munyako wa munzi, Na bona Alimuñwi ya taha, inza kena mwahali. Ne ni zibile Yo nali Yena. Se nili, ‘Mulena, U ya kai?’ Ki hali, ‘Ni kutela ku yo kokotelwa sinca hape.’” Nali, “Na ku taha mwa mulaho.”

²²⁴ Ona fani fela ali, “Simoni Pitrosi ki mañi?”

Nali, “Kina Yo fa!”

Ali “Lu ku libelezi.”

Ali “Ni bile ni ku libelezi.” Azwela fande ona cwalo.

²²⁵ Mushimani yani amu swala fa liheta, mi ali, “Libelela fa muzuzu, Simoni; Na mu amuhela Mulimu yo nina! Mi cwale ha Ni sabi; laka libe le li tatama.” Yeo ki niti. Haleluya!

Izwelapili . . . Isa lota mali, eeni, isa lota mali,
Yona Evangeli ya Moya o Kenile ye isa lota
mali,
Mali a balutiwa ba ba shwezi Niti,
Yona Evangeli ya Moya o Kenile ye isa lota
mali.

Wa makalelo kushwela mulelo wa Moya o
Kenile wo,
Neli Joani Mukolobezi, kono na shwile sina
mutu;
Kasamulaho kwataha Mulena Jesu, ba Mu
takisa,
Akutaza kuli Moya upilise batu kwa sibi.

Kuna ni Pitrosi ni Paulusi, ni Joani musinuli,
Babane ba file bupilo bwabona kuli Evangeli
ibenye;
Ba zwakanisa mali abona, sina bapolofita ba
kale,
Ili kuli Linzwi la niti la Mulimu li shaelwe ka
niti.

Kuna ni mioyo fa aletare, yelila kuli, “Ki lili?”
Fo Mulena ha ka fa koto baba fosize;
(Muteeleze!)
Kono kukaba babañata ba ba kafa mali a
bupilo bwa bona
Kwa Evangeli ya Moya o Kenile ye ni mali a
yona.

Isweli kulota mali, eeni, isweli kulota mali,
 Yona Evangeli ya Moya o Kenile ye isa lota . . .
 mali,
 Mali a balutiwa ba ba shwezi Niti,
 Yona Evangeli ya Moya o Kenile ye isa lota
 mali.

226 Liñolo lililiñwi fela lu si kaya kale:

. . . *Mi ba bulelela Pitrosi ni . . . baapositola babañwi, bali Banaba hesu ni mizwale, luka eza cwañi kuli lupiliswe?*

. . . *Pitrosi ali ku bona, Mu bake, mi mutu ni mutu wa mina a kolobezwe ka Libizo la Jesu Krete kuli afiwe swalelo ya libi, mi muka amuhela mpo ya Moya o Kenile.*

Kakuli sepiso yeo iezelizwe mina, ni bana ba mina, ni ba ba kwahule kamukana, ba ka lata kubiza Mulena Mulimu wa luna.

227 Mulena afuyole cwale. Halunze luzwa mwa nzila. Mwakona kubona za kolobezo halunze lu . . . ? . . .



KUAÑULIWA ³ LOZ60-0522M

(Adoption ³)

MUKOLOKO WAZA KUAÑULIWA

Liñusa le ka Muzwale William Marrion Branham ne li kutalizwe lwa pili mwa Sikuwa la Sunda kakusasana, Kandao 22, 1960, ili fa Branham Tabernacle mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizizwe ni kuhasanyiwa ki ba Voice Of God Recordings.

LOZI

©2019 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitisiswe ki mutu kamba kuli ifiwe ku yomnwi, mahala feela, kakuba siituiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku ituiswa kwa kukupa masheleni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org